




卷三百十一之三十四
物異

伊 4
1046
86





74
1046
86

文獻通考卷之三百十一

鄧陽 馬 端臨

支那
所
有
物
類
考
卷
之
三
百
十
一
馬
端
臨
著

物異考

毛蟲之異

周穆王征大戎得四白狼四白鹿以歸自是荒服者不至

春秋莊公十七年冬多麋劉歆以為毛蟲之孽為災劉向以為麋

色青屬青祥麋之為言迷也蓋牝獸之淫者時莊公將取齊之淫

女天戒若由勿取齊女淫而迷國不悟卒取之其後淫于二叔慶

牙終皆誅死幾亡社稷董仲舒指畧同京房易傳曰廢正作淫大

不明國多麋

漢昭帝時昌邑王賀聞人聲曰熊視而見大熊左右莫見以問郎

中龔遂曰熊山野之獸而來入宮室王獨見之此天戒大王恐宮

利
289
86

東
山

室將空危亡象也賀不改悟後卒失國

後漢章帝建初七年獲白鹿

安帝延光三年扶風言白鹿見雍潁川言白鹿及白虎二見陽翟
順帝陽嘉元年十月中望都蒲陰狼殺童兒九十七人時李固對
策引京房易傳曰君將無道害將及人去之深山全身厥灾狼食
人陛下覺悟此求隱滯故狼灾息

桓帝永興元年張掖言白鹿見

延熹五年驚馬逸象突入宮殿

永康元年西河言白兔見

靈帝建寧中群狼數十頭入晉陽南城門齧人

光和三年正月虎見樂平觀又見憲陵上齧衛士蔡邕封事曰政
有奇暴則虎狼食人

魏明帝太和四年司馬懿獲白兔獻之

吳孫權赤烏六年新都言白虎見

九年五月鄴陽言白虎仁應圖曰仁者王者不
暴則虎仁不害也

晉武帝太康六年南陽獻兩足猛獸此毛蟲之孽也識者為其文
曰武形有虧金獸失儀聖主應天斯異何為言此亂也京房易傳
曰足少者下不勝任也于寶以為獸者陰精居于陽金獸也南陽
火名也金精入火而失其形王室亂之妖也六水數言水數既極
火慝得作而金受其敗也至元康九年始殺太子距此十四年二
七十四火始終相乘之數也自帝受命至愍懷之廢凡三十五年
焉

太康七年十一月景辰四角獸見于河間河間王顥獲以獻天戒
若曰角兵象也四者四方之象當有兵亂起居四方後河間王遂

連四方之兵作為亂階殆其應也

懷帝永嘉五年蠮鼠出延陵郭景純筮之曰此郡東之縣當有妖人欲稱制者亦尋自死矣其後吳興徐馥作亂殺太守袁秀馥亦時滅是其應也

成帝咸和六年正月丁巳會州郡秀孝於樂賢堂有麀居見於前獲之孫盛以為吉祥夫秀孝天下之彥士樂賢堂所以樂養賢也自喪亂以後風教陵夷秀孝策試之四科之實麀興於前或斯故乎

哀帝隆和元年十月甲申有麀入東海第百姓謹言曰主入東海第識者恠之及海西廢為東海王乃入其第

孝武太元十三年四月癸巳祠廟畢有鬼行廟堂上天戒若曰兔野物而集宗廟之堂不祥莫之甚焉

石虎時郡國前後送蒼麟十六白鹿七虎命司馬張曷柱謂之以駕芝蓋列于克庭之乘符健末年猛獸及狼食人行路斷絕符生既立猛獸及狼大暴晝則斷道夜則發屋惟害人而不食六畜一年殺七百餘人百姓苦之皆聚而邑居為害滋甚遂廢農業內外洶懼慕容超祀南郊將登壇有獸大如馬狀類鼠而色赤集於圓丘之側俄而不知所在頃更大風暴起天地晝昏其行宮羽儀皆振裂

宋文帝元嘉二十八年秋猛獸入郭內為災

梁武帝天監六年三月有三象入建鄴

中大同元年邵陵王綸在南徐州卧内方晝有狸鬪於欄上墮而獲之太清中侯景之亂將兵援臺城至鍾山有螿熊無何至綸所乘馬毛蟲之孽也綸尋為王僧辨所敗亡至南陽為西魏所殺

中大同中每夜狐鳴闕下數年乃止京房易飛侯曰野獸群鳴邑中且空虛俄而國亂丹陽死喪略盡

元帝承聖元年十二月淮南有野象數百壞人室廬宣城郡猛獸暴食人

陳後王禎明中狐入床下捕之不獲京房易飛侯曰狐入君室室不居未幾而國滅

魏元明帝神瑞二年射白熊於頽牛山獲之
太武太延元年白兔見於渤海

東魏武定三年九月豹入鄴城南門格殺之五年八月豹又上銅爵臺京房易飛侯曰野狩入邑及至朝廷若道上官府門有大害君亡是歲東魏師敗於玉璧神武遇疾崩

後齊武平二年有兔出廟社之中京房易飛侯曰兔入王室其君

亡案廟者祖宗之神室也後五歲周師入鄴後主東奔武平永并鄴諸州多狼而食人洪範五行傳曰狼貪暴之狩大體以白色為主與之表也又似犬近犬旣也京房易傳曰君將無道

害將及人去之深山以全身厥妖狼食人時帝任用小人競為貪暴殘賊人物食人之應尋為周軍所滅兵之象也

武平中朔州府門外無何有小兒腳跡又擁土為城雉之狀時人

恠而察之乃狐媚所為漸流至并鄴與武定三年同占是歲南安王思好起兵於北朔直指并州為官軍所敗鄭子饒羊法昌等復

亂山東武平三年鄴郡并州並有狐媚多截人髮
隋煬帝大業四年張掖獲玄狐

唐永徽中河源軍有狼三豎入軍門射之斃
永淳中嵐勝州兎害稼千萬為群食苗盡兎亦不復見

開元三年有熊豕入碭州城

乾元二年十月詔百官上勤政樓觀安西兵赴陝州有狐出於樓上獲之

大曆四年八月己卯虎入京師長壽坊宰臣元載家廟射殺之虎西方之屬威猛吞噬刑戮之象

六年八月丁丑獲白兔于太極殿之內廊占曰國有憂白喪祥也建中三年九月己亥夜白虎入宣陽里傷人三詔朝獲之

貞元二年乙丑有野鹿至含元殿前獲之士申又有鹿至含元殿前獲之占曰有大喪

四年三月癸亥有鹿至京師西市門獲之

八年正月鄧州獻白鹿

元和十年五月臨碧院使奏壽昌殿南獲白鹿麇進之

長慶二年五月有自吐蕃至者稱隴上自去歲以來出異獸如狻而腰尾皆長色青青迅猛見蕃人即捕而食之遇漢人則否

開成四年四月有靈出千太廟獲之

天祐元年九月汴州進白兔

後漢乾祐二年五月穎州進白鹿

三年正月有狐出明德門獲之北常狐毛長腹刺二尺 五月太白進白兔

白進白兔

周顯德三年穎州進白兔

南漢劉鋹時有野獸觸宮中寢門

宋建隆三年五月有象至黃州黃陂縣匿林入中食民苗稼又至

安復襄唐州踐民田頗為患遣使捕之明年十二月於鄧州南陽

縣獲之獻其齒革

乾德二年五月有象至澧州安鄉澧陽等縣又有象涉江入徽州
華容縣直過關關十月又有象至澧州豐陽縣城北

五年有象自至京師群臣表奏為害甚遠而來國象嘗有海有之兆也宋熈寧
四年五月有犀自黔南入萬州民捕殺之獲其皮角

開寶八年四月陝州平陸縣鷲獸傷人遣使捕之生獻數頭十月
江陵府白晝虎入市傷二人

太平興國三年果閩遂集州虎為害遣殿直張延鈞捕之獲百數
俄而已州七盤縣虎傷人延鈞又獲七以皮為獻

七年越州虎入蕭山縣民趙訓家害八口
雍寧四年五月有犀自黔南入萬州民捕殺之獲其皮角

淳化元年十月桂州虎傷人詔遣使捕之
至道元年六月鳳州梁泉縣虎傷人

二年九月蘇州虎夜入福山寨食守卒四人
咸平二年十二月黃州長折村二虎夜闖一死食之殆半占云守
臣災明年知州王禹偁卒

六年十月乙丑有狐出皇城東北角樓歷軍器庫至夾道獲之
潭州獻白鹿 潁州獻白麋 單州獻白麋 開封府太唐縣獻

黑兔 沂州獻紫兔
大中祥符元年五月封禪經度制置使王欽若言泰山舊多虎自
興功以來雖屢見而未嘗傷人悉相率入徂徠山而去

九年三月杭州浙江側有虎入挽場巡檢俞仁祐揮戈殺之
熙寧元年九月撫州獲白兔 十二月嵐州獲白鹿

四年九月廬州獲白兔
政和五年十二月安化軍獲白兔

軍和元年二月淄川獲黑兔

七年秋有狐由良嶽直入御中據御榻而坐詔毀狐王廟狐與胡同音

紹興十年春有野豕入海州市民刺殺之時州陷虜夏鎮江軍帥王勝攻取之明夏年和戎以其郡屬虜悉空其民渡江後二十年有二虎入城人射斃之虎亦搏人又明年魏勝舉州來歸亦徙民如昔虎豕皆毛孽也漢志龔遂曰野獸入宮室宮室將空危亡象也又十一年隨州大隄山有豸虎人為患近毛孽也 十三年南康縣雷兩群狸震死巖穴中巖石為碎 紹興中句容縣有狸毛色如虎

乾道七年潮州野象數百為群秋成食稼農設穿田間象不得食率其群圍行道車馬保伍積穀委之乃解圍

紹興二年江州馬當山群狐掠人

十年滁州有熊虎同人樵民舍夜自相搏死

紹興元年三月臨安府民家猫生子一首八足二尾

四年鄂州武昌縣虎為人患虎西方之屬威猛吞噬刑戮之象

五年八月揚州獻白兔侍御史章穎劾守臣錢之望以孽為瑞坐

黜占曰國有憂白喪祥也與唐大曆六年獲白兔同占是歲光宗

皇帝晏駕

慶元三年德興縣群狐入民舍皆毛孽也

麒麟 騶虞

春秋哀公十四年春西狩于大野叔孫氏之車子鉏商獲麟大野

平筆野東北以為不祥以賜虞人仲尼觀之曰麟也然後取之

公羊傳何以書記異也何異爾非中國之獸麟者仁獸也有王者

則至無王者則不至有以告者曰有麇而角者孔子曰孰為來哉

反袂拭面涕沾袍曰吾道窮矣麟太平之符聖人之類時得麟而死此亦天告夫子將沒之徵故云

爾穀梁傳西守獲麟引取之也言引取之者解經言獲也傳則自為孔子來魯引而取之亦不與魯之辭也狩地不地不狩也非狩而曰狩大獲麟故

大其適也適猶如也之也非狩而言狩大得麟故以大其不言來不外麟於中國也其不言有不使麟不恆於中國也

漢武帝元狩元年冬十月行幸雍祠五時獲白麟作白麟之歌

後漢明帝永平十一年麒麟出

安帝延光三年潁川言麒麟見陽翟

四年東郡言麒麟見濮陽

吳孫權赤烏元年武昌言麒麟見

晉武帝泰始元年郡國言麒麟見二年麒麟見

咸寧五年二月甲午白麟見於平原 九月甲午麟見於河南

太康元年四月白麟見於頓丘

愍帝建興二年麟見襄平

成帝咸和八年麒麟騶虞見于遼東

石虎時郡國送蒼麟十六詳見毛

梁武帝天監十年荊州言騶虞見

隋文帝開皇四年兪州獲獸似麋一角同蹄

唐龍朔三年十月十六日絳州麟見二十六日含元殿前麟趾見

至來年改元麟德

元和七年十一月梓州上言龍州界嘉禾生有麟食之每來一鹿

引之群鹿隨焉光華不可正視使畫工就圖之并嘉禾一函以獻

太和元年十一月河中奏當管虞鄉縣有白虎入重峯觀按瑞應

圖義獸也一名騶虞王者德至鳥獸澤洞幽冥則見

蜀王建元年騶虞見武定

三年十月麟見壁州

永平二年六月麟見文州

三年正月麒見永泰 五月騶虞見壁山有二鹿隨之

四年麟見昌州

宋太平興國九年嵐州獻牡麒一角似鹿無班文角端有肉性馴
韶群臣參驗右散騎常侍徐鉉等援引圖史以為麟乃上言曰案
春秋曰麇身而有角者麟也春秋感精符曰麟一角者明海內同
一主也公羊傳曰上有聖帝明王天下太平則麟今國海內一統
故仁獸出實王者之大瑞宰相宋琪李昉等同其義皆奉表稱賀
雍熙二年閏九月坊州獻一角獸如嵐州麟而牡瑞應圖云牡曰

麒牝曰麟

政和五年 重和元年 宣和二年三年

慶元三年俱有牛生麒麟事詳見牛異

馬異

伏犧氏有天下龍馬負圖出於河遂法之以畫八卦註龍而形象馬也
左氏傳定公十年宋公子地有白馬四公嬖向魍魎欲之公取而
朱其尾鬣以予之大怒使其徒扶魍而奪之魍懼將走公閉門而
泣之目盡腫公第辰謂地曰子為君禮不過出境君必止子地出
奔陳公不止辰為之請弗聽辰曰是我誑吾凡也我與國人出君
誰與守遂與其徒出奔陳明年俱入于蕭以叛大為宋惠近馬禍
史記秦孝公二十一年有馬生人昭公二十年牡馬生子而死劉
向以為皆馬禍也孝公始用商君攻守之法東侵諸侯至於昭王

用兵彌烈師古曰烈猛也其象將以兵革抗極成功而還自害也牡馬非生類妄生而死猶秦特力彊得天下而還自滅之象也一曰諸畜生非其類子孫必有非其性者至於始皇果呂不韋子京房易傳曰方伯分威厥妖牡馬生子亡天子諸侯相伐厥妖馬生人漢文帝十二年有馬生角於吳角在耳前上鄉右角長三寸左角長二寸皆大二寸劉向以為馬不當生角猶吳不當舉兵向上也時吳王濞封有四郡五十餘城內懷驕恣後卒舉兵誅滅京房易傳曰臣易上攻不順厥妖馬生角茲謂賢士不足又曰天子親伐馬生角

武帝元鼎四年秋馬生渥洼水中季襄曰南陽新野有暴利長當此水旁見群野馬中有奇者與凡馬異來飲此水利長先作土人持勒於水旁發馬玩習久之代士人皆勸辭收得其馬獻之故神異此馬故云作天馬之歌

太初四年春貳師將軍李廣利斬大宛王首獲汗血馬來漢書西域傳曰大宛有汗血馬其汗從前背膊出如血一曰千里師古曰蹋石謂蹋石而有跡言其號堅利作西極天馬之歌

成帝綏和二年二月大廐馬生角右在耳前圍長各二寸時王莽為大司馬害上之前自此始矣

哀帝建平二年定襄牡馬生駒三足隨群飲食太守以聞馬國之武用三足不任用之象也後侍中董賢年二十二為大司馬居上公之位天下不宗哀帝暴崩太后收賢印綬賢自殺王莽代之後漢更始二年二月發雒陽欲之長安司直李松奉引車奔觸北宮鐵柱門三馬皆死馬禍也時更始失道將亡

桓帝延熹五年四月驚車與逸象突入宮殿近馬既也時桓帝政衰缺

靈帝光和元年司徒長史馮巡馬生人風俗通曰巡馬生胡子問養馬胡蒼頭乃好此馬以

京房易傳曰上亡天子諸侯相伐厥妖馬生人後馮巡遷甘陵

相黃巾初起為所殘殺而國家亦四面受敵其後關東州郡舉兵

相攻天子西移王政隔塞其占與京房同 光和中雒陽水西橋

民馬逸走遂鬻殺人時公卿大夫及左右數有被誅者

晉武帝太熙元年遼東有馬生角在兩耳下長三寸按劉向說曰

此兵象也及帝晏駕之後王室毒於兵禍是其應也京房易傳曰

臣易上政不順厥妖馬生角茲謂賢士不足又曰天子親伐馬生

角呂氏春秋曰人君失道馬有生角及惠帝踐阼昏愚失道又親

征伐成都是其應也

惠帝元康八年十二月皇太子將釋奠太傅趙王倫驂乘至南城

門馬止力推之不能動倫入輜車乃進此馬翹也天戒若曰倫不

知義方終為亂逆非傳尊行禮之人也

九年十一月戊寅忽有牡騮馬驚奔至廷尉訊堂悲鳴而死天戒

若曰陰懷冤死之象也見廷尉訊堂其天意乎

懷帝永嘉六年二月神馬鳴南城門

愍帝建興二年九月蒲子縣馬生人京房易傳曰上亡天子諸侯

相伐厥妖馬生人是時帝室衰微不絕如線胡狄交侵兵戈日逼

尋而帝亦淪陷故此妖見也

元帝太興二年丹陽郡吏濮陽演馬生駒兩頭自項前別生而死

司馬彪說曰此政在私門二頭之象也其後王敦陵上

成帝咸康八年五月甲戌有馬色赤如血自宣陽門直走入于殿

前盤旋走出尋逐莫知所在已如帝不豫六月崩此馬褶又赤祥

也是年張重華在涼州將誅其西河相張祚廐馬數十匹同時悉

無後尾也 安帝隆安四年十月梁州有馬生角刺史郭銓送示桓玄按劉向說曰馬不當生角猶玄不當舉兵向上也玄不寤以至夷滅 右李龍在鄴有一馬尾有燒狀入其中陽門出顯陽門東宮皆不得入走向東北俄爾不見術者佛圖澄歎曰災其及矣逾年季龍死其國遂滅

慕容暉有駿馬曰赭白有奇相逸力石虎之伐棘城也旣將出避難欲乘之馬悲鳴踴人莫能近旣曰此馬見異先朝孤常伏之濟難今不欲者蓋先君之意乎乃止虎尋退旣益奇之至是四十九歲而駿逸不虧雋比之鮑氏駟命鑄銅以圖其象親為銘贊鐫勒其旁置之薊城東掖門是歲象成而馬死

末侯景僭號江南每將戰所乘白馬長鳴蹠足者輒勝垂頭者輒不利西州之役馬卧不起景拜請筆之竟不動近馬禍也景因此敗

齊宣帝大建五年衡州馬生角五行傳以為兵象敗亡之表是明徹師敗為周師所虜

齊天保中廣宗有馬兩耳間生角如羊尾京房易傳曰天子親伐則馬生角四年契丹犯塞文宣親御六軍擊之

隋大業四年太原既馬死者大半帝怒遣使按問主者曰每夜廐中馬無故自驚因而致死帝令巫者視之巫者知帝將有遼東之役因希旨言曰先帝人揚素史萬歲取之將鬼兵以伐遼東也帝大悅因釋生者洪範五行傳曰逆天氣故馬多死是時帝每歲巡幸北事長城西通且末國內虛耗天戒若曰除廐馬無事巡幸帝不悟遂至亂

十一年河南扶風三郡並有馬生角長數寸與天保初同占是時

帝頻歲親征高麗

義寧元年帝在江都宮龍旆馬無故而死旬日死至數百匹與大業四年同占

二年五月戊申有馬生角長二寸末有肉角兵象

唐武德三年十月王世充為左僕射韋霽為生角當項

末隆二年監牧馬大死十八萬匹馬者國之武備天去其備國將危亡 文明初新豐有馬生駒二首同項各有口鼻生而死又咸陽牝馬生石大如升上微有綠毛皆馬禡也

開元十二年五月太原獻異馬駒兩肋各十六肉尾無毛

二十五年濮州有馬生駒肉角

二十九年三月滑州刺史李邕獻馬肉鬣鱗臆嘶不類馬日行三百里

建中四年五月滑州馬生角

大和九年八月易定馬飲水因吐一珠以獻

開成元年六月揚州民明齊家馬生角長一寸三分

會昌元年四月桂州有馬生駒三足能隨郡于牧

咸通三年柳州馬生角

十一年沁州綿上及和川牝馬生子皆死京房易傳曰方伯分威厥妖牲馬生子

乾符二年河北馬生人

中和元年九月長安馬生人

二年二月蘇州嘉興馬生角

光啓二年夏四月僖宗在鳳翔馬尾皆吃蓬如篲吃怒象

文德元年李克用獻馬二肘藤皆有鬣長五寸許蹄大如七寸

雍熙二年慶州吏李祿家馬生駒足各有二距

四年鄜州直羅縣民高英家生馬前兩足如牛

端拱二年夏州民程真家馬生二駒

大中祥符九年十二月大各監馬生駒赤色肉尾無鬃

宣和五年馬生兩角長三寸四足皆出距時北方正用兵

紹興八年廣州西海壩有海獸如馬蹄鬣皆丹夜入民舍聚殺

之明日海溢環村百餘家皆溺死近馬禍也

五年廣西市馬全網疫死

淳熙六年十二月巖昌西馬金州馬皆大疫

十二年黎雅州獻馬有角長二寸京房易傳曰臣易上政不順

妖馬角茲謂賢士不足

紹熙元年二月丙申右丞相乘馬早朝入禁扉馬斃近馬禍也

嘉定五年正月右丞相入賀于東宮馬驚墮地衣幘皆敗相額微

損事與上同

牛禍

春秋宣公三年效牛之口傷敗卜牛牛死劉向以為近牛禍也時

宣公與子遂謀殺公子赤而自立又以喪娶區霽昏亂之成於口

天猶惡之生則不饗其祀謂劉牛傷死死則災備其廟成三年新宮災

以新成董仲舒指略同

秦孝文王五年旃狗衍狗衍地名有獻五足牛劉向以為近牛禍也先

是文惠王初都咸陽廣大宮室南臨渭北臨涇思心失逆上氣足

者止也戒秦建止奢泰將致危亡秦不改至於離宮三百復起阿

房易傳曰興繇後奪民時厥妖牛生五足

漢景帝中六年梁孝王曰北山有獻牛足皆上劉向以為近牛禍先是孝王驕奢起苑方三百里宮館閣道相連三十餘里納邪臣羊勝之計欲求為漢嗣刺殺議臣爰盎事發免誅猶有恨心內則思慮譖亂外則二功過制故牛禍作足出於背下奸上之象也猶不能解發疾暴死又凶短之咎也

後漢明帝永平十八年牛疫死

章帝建初四年冬京都大疫時竇皇后以宋貴人子為太子寵幸伶人伺求貴人過隙以詭毀之帝不知太后不善厥咎竇也

晉武帝太康元年幽州塞北有死牛頭語近牛禍也是時帝多疾病深以後事為念而託付不以至公思營亂之應也按師曠曰怨讟動於人則有非言之物而言又其義也京房易傳曰殺無罪牛生妖

惠帝太安中江夏張騁所乘牛言曰天下亂乘我何之騁懼而還大又言曰歸何早也尋後牛又人立而行騁使善卜者卦之謂曰天下將有兵亂為禍非止一家其年張昌反先略江夏騁為將帥於是五州殘亂騁亦旋滅京房易傳曰牛能言如其言占為凶易萌氣樞曰人君不好士走馬被文繡大狼食人食則有不畜言時天子諸侯不以惠下為務又其應也

元帝建武元年七月晉陵陳門才牛生犢一體兩頭京房易傳言牛生子二首一身天下將分之象也是時愍帝蒙塵於平陽尋為逆胡所殺元帝即位江東天下分為二是其應也

太興元年武昌太守王諒牛生子兩頭八足兩尾共一腹三年後死又有牛一足三尾皆生而死按司馬彪說兩頭者政在私門上下無別之象也京房易傳曰足多者所任邪也足少者不勝任也

其後王敦等亂政此其祥也

四年十二月郊牛死按劉向說春秋郊牛死曰宣公區霽昏亂故天不饗其祀今元帝中興之業實主尊之謀也劉隗探會上意以得親幸導見疎外此區霽不禘之禍

成帝咸和二年五月護軍牛生犢兩頭六足是冬蘇峻作亂

七年九德人袁榮家牛產犢兩頭八足二尾其身桓玄之國在荆州請刺史殷仲堪行至鶴亢逢一老公驅青牛形色稟異桓玄即以所乘牛易取乘至零陵涇溪駿駛所更非常息駕飲牛牛逕入江水不出玄遣人覘守經日無所見於後玄敗被誅

梁武陵王紀祭城隍神將烹牛忽有赤蛇繞牛中牛禍也象類言之又為龍蛇之孽魯宣公三年牛之口傷時以為天不享棄宣公也五行傳曰逆君道傷故有龍蛇之孽時紀雖以赴援為名而實

妄自尊亢思心之咎神不享君道傷之應果為元帝所敗

陳宣帝太建三年監豫州陳桃根獻青牛

後魏孝文承明元年牛疫死傷大半

後齊武平二年并州獻五足牛牛禍也洪範五行傳曰牛土應宮室之象也帝尋大發卒於仙都苑鑿地築山樓殿間起窮華極麗功始就而國亡

後周建德六年陽武有獸三狀如水牛一黃一赤一黑赤與黑者鬪久之黃者自傍觸之黑者死黃赤俱入于河近牛禍也黑周所尚色死者滅亡之象後數載隋代周旗牲尚赤戎服以黃

隋大業初恒山有牛四脚膝上各生一蹄其後建東都築長城開溝洫

唐調露元年春牛大疫京房易傳曰牛少者穀不成又占曰金華

動 長安中有獻牛無前膊三足而行者又有牛膊上生數足蹄
甲皆具 (武太后)從姊之子司農卿宗晉卿家牛生三角

神龍元年春牛疫
二年冬牛疫 先天初洛陽市有牛左脇有人手長一尺或牽之

以乞丐
開元十五年河北牛大疫

大曆八年武功灤陽民家牛生犢二首

貞元二年牛疫

四年郊牛生犢六足足多者下不一

七年關輔牛大疫

咸通七年荊州民家牛生犢五足

十五年夏渝州江陽有水牛生驢駒駒死

光啓元年河東有牛人言其家殺而食之

二年延州虜施縣有死牛復生

宋太平興國九年七月知乾州衛昇獻三角牛

自乾德三年至天禧五年川縣上言民間牛生二犢三犢者凡一百二十二

自天聖迄治平牛生二犢者三十二生二犢者一

自熙寧三年距元豐八年郡國言民家牛生二犢者三十五生三角者一

元祐元年距元符三年郡國言民家牛生二犢者十有五

大觀元年關州達州俱言牛生二犢

政和五年七月安武軍言信都縣民范濟家牛生麒麟

重和元年三月陝州言牛生麒麟

宣和二年十月尚書省言歙州歙縣民鮑珙家牛生麒麟

三年五月汝州梁縣民邢喜家牛生麒麟

紹興元年紹興府有牛戴刃突入城市觸馬裂腹出腸時衛卒多

犯禁屠牛者牛受刃而逸近牛禍也

十六年靜江府城北二十里有奔犢以角觸人於壁腸胃牛地牛

狂走兩日不可執卒以射死亦牛禍也

十八年五月邛州依政縣牛生二犢

二十一年七月遂寧府牛生二犢三

二十五年八月漢州牛生二犢

淳熙十二年臨安府仁和縣良渚有牛二首四足七日而死 徐

杭縣有犢二首一身

紹興十四年春淮西牛大疫死

慶元元年淮浙牛多疫死

三年饒州樂平縣田家牛生犢如馬一角麟身肉尾農民以不祥

殺之或惜其為麟 同縣萬山牛生犢人首

文獻通考卷之三百十二
物異考
鄱陽 馬 端臨 貴與 著

文獻通考卷之三百十二

鄱陽 馬 端臨 貴與 著

物異考

豕禍

左傳齊襄公田于貝丘見豕從者曰公子彭生也公怒射之豕人立而啼公懼墜車傷足喪屨劉向以為近豕禍也未幾公為公孫無知所弑

漢昭帝元鳳元年燕王宮求巷中豕出國壞都窳師古曰國者養豕之牢也都窳豕攻之大窳街其黼六七枚置殿前黼古金反劉向以為近豕禍也時燕王旦與長公主左將軍謀為大逆暴急無道竈者生養之本豕而敗窳陳黼於庭黼窳將不用宮室將廢辱也燕王不改卒伏其辜京房易傳曰眾必不安君政厥妖豕入居室

文獻通考卷之三百十二
物異考

身孫皓時野豕入右司馬丁奉營此豕既也後奉見遣攻穀陽無功而反皓怒斬其導軍及舉大眾北出奉及萬彊等相謂曰若至華里不得不各還也此謀泄奉時已死皓殺其子温家屬皆遠徙豕禍之應也龔遂曰山野之獸來入官室官室將空又其象也

晉懷帝永嘉中壽春城中有豕生兩頭而不活周馥取而觀之時識者云豕北方畜胡狄象兩頭者無上也生而死不遂也天戒若曰勿生專利之謀將自致傾覆也周馥不寤遂欲迎天子令諸侯俄為元帝所敗是其應石勒亦尋渡淮百姓死者十有其九元帝建武元年有豕八足此聽下聰之罰又所任邪也是後有劉隗之變

成帝咸和六年六月錢塘人家假音加半豕產兩子而皆人面如

胡人狀其身猶家京房易傳曰豕生人頭豕身者危且亂今此豕豕而產異之甚者也

孝武帝太元十年四月京都有豚徒海一頭二脊八足

十三年京郊人家豕產子一頭二身八足並與建武同狀也是後宰相沉音香不恤朝政近習用事漸亂國綱至於大壞也

劉聰末年大與豕交于相國府門又交于官門又交司隸御史門有豕著進賢冠升聰坐大冠武冠帶綬與豕並升俄而闔死殿上宿衛莫有見其入者 劉曜時武功豕生犬

隋文帝開皇末渭南有沙門三人行頭施法於人場園之上夜見大豕來詣其所小豕從者十餘謂沙門曰阿練我欲得賢聖道然猶負他一命言罷而去賢聖道者君上之所行也皇太子勇嘗嗣業行君上之道而被囚廢之象也一命者言為煬帝所殺

開皇末渭南有人寄宿地舍夜中聞二豕對話其一曰歲將盡阿
耶明日殺我供歲何處避之一蒼曰可向水北姊家因相隨而云
天將曉主人覓豕不得意是宿客而語之宿客言狀主人如其言
而得豕其後蜀王秀得罪帝將殺之平樂公主每匡救得全後數
年而帝崩歲盡之應

唐貞觀十七年六月司農寺豕生子一首八足自頸分為二

貞元四年二月京師民家有豕生子兩首四足首多者上不一也
是歲軍州大雨震電有物墮地如猪手足各兩指執赤班蛇食之
頃之雲合不復見近豕禍也

元和八年四月長安西市有豕生子三耳八足自尾分為二足
者下不一也

咸通七年徐州蕭縣民家豕出圍舞又杜豕豕將隣里群豕而行
復自相噬齧

乾符六年越州山陰民家有豕入室內墮器用銜掖在置水次

廣明元年絳州稷山縣民豕生如人狀無眉目耳髮占為邑有亂

宋乾道六年南雄州民家豕生數豚而首各備他獸形亦有人首
者占為邑有亂

紹熙二年三月辰州叙浦縣常平倉教墻壁為群豕所穴食倉米
五十石羸食人食近豕旤也

慶元初饒州樂平縣民家豕生豚與南雄豕旤同占而更具他獸
蹄京房妖占曰豕生人頭豕身者危且亂

三年四月饒州餘干州民豕生八豚其二為鹿 福州古田縣民
生嬰兒為豕所食皆豕旤也

羊旤

史記魯定公時季桓子穿井得土缶中得蟲若羊缶蓋之屬近羊

禍也羊者地上之物出於土中象定公不用孔子之言而聽季氏

暗昧不明之應一曰羊去野外而拘土缶者象魯公失其所而拘

於季氏亦將拘於家臣也是歲陽虎囚季桓子後三年虎劫公伐

孟氏兵敗竊寶玉大弓出亡

晉成帝咸和二年五月司徒王導廐羊生無後足此羊禍也京房

易傳曰足少者下不勝任也明年蘇峻破京都導與帝俱幽石頭

是其應也

隋文帝開皇十二年六月繁昌楊悅見雲中二物如羝羊黃色大

如新生犬鬪而墜悅獲其一數旬失所在近羊既也洪範五行傳

曰君不明逆火政之所致也狀如新生犬者羔類也雲體掩蔽邪

佞之象羊國姓羔羊子也皇太子勇既升儲貳晉王陰毀之而被

廢黜二羔鬪一羔墜之應也

恭帝義寧二年麟遊太守司馬武獻羊羔生而無尾時議者以為

楊氏子孫無後之象是歲煬帝被弒俄而恭帝遜位又太原獻羝

羊無頭而不死

唐開元二年正月原州獻肉角羊

二年三月富平縣有肉角羊

會昌二年春代州崞縣羊生二首連頸兩尾占曰二首上不一也

咸通三年夏定陶民家羊生羔如犢

乾符二年洛陽建春門外因暴雨有物隨地如殺羊不食頃之入

地中其跡月餘不滅或以為雨土也占曰常旱

漢劉張時苑中羊吐珠

宋紹興五年江東西羊大疫班固以為暑歲羊多疫死及為恠

十七年汀州羊生無角
嘉定九年信州玉山縣羊生駢角

犬異

春秋左氏傳襄公十七年十一月甲午宋國人逐猘狗猘狂也猘反狗入於華臣華元國人從之臣懼遂奔陳先是臣兄闕為宋卿闕卒臣使賊殺闕家宰遂就其妻宋平公聞之曰臣不唯其宗室是暴大亂宋國之政欲逐之左師向戌曰大臣不順國之恥也不如蓋之謂掩覆其事也公乃止華臣炕暴失義內不自安故犬禍至以奔亡也

周威烈王二十七年乙亥五月晉有三大犬率衆犬數萬聚于絳殺一犬於東方一犬于西方

漢高后八年三月拔霸上師古曰拔者除也音蘇遷過祇道見物如舍狗

遂病腹傷而崩先是高后鳴殺如意支斷其母戚夫人手足擁其眼以為人彘師古曰擁謂敲擊去其精也擁音

文帝後五年六月齊雍城門外有狗生角師古曰雍城門者齊門名也春秋左氏傳平陽

七人皆為王師古曰齊王將闔齊北王志蕭川王賢膠東王

兄弟並彊有炘陽心故犬旣見也太守御角兵象在前而上鄉

者也師古曰鄉讀曰犬不當生角猶諸侯不當舉兵鄉京師也天

之戒人蚤矣師古曰蚤古旱字諸侯不寤後六年吳楚畔濟南膠西膠東

三國應之舉兵至齊齊王猶與城守與讀三國圍之會漢破吳楚

因誅四王故天狗下梁而吳楚攻梁狗生角於齊而三國圍齊漢

卒破吳楚於梁誅四王於齊京房易傳曰執政失下將害之厥妖

狗生角君子苟免小人陷之厥妖狗生角

景帝三年二月邯鄲狗與彘交悖亂之氣犬豕之禍也
師古曰悖或也音布

內反此是時趙王遂悖亂與吳楚謀為逆遣匈奴求助兵卒伏其

辜犬兵革失衆之占如淳曰犬吠守似兵革外附它類失衆也豕北方匈奴之象逆言

失聽交於異類以生害也京房易傳曰夫婦不嚴厥妖狗與豕交

茲謂反德國有兵革 昌邑王見狗冠方山冠事詳見服妖門

咸帝河平元年長安男子石良劉音相與同居師古曰二人井止一室有如

人狀在其室中擊之為狗走出去後有數人被甲持兵弩至良家

良等格擊或死或傷皆狗也自二月至六月乃止 鴻嘉中狗與

彘交

魏公孫淵家有犬冠幘絳衣上屋比犬禍也屋上亢陽高危之地

天戒若曰亢陽無上偷自尊高狗而冠者也及淵自立為燕王果

為魏所滅京房易傳曰君不正臣欲篡厥妖狗出朝門 魏侍中

應璩在直廬欲見一白狗出門問衆人無見者踰年卒近犬禍也

吳諸葛恪征淮南歸將朝會犬銜引其衣恪曰犬不欲我行乎

還坐有頃復起犬又銜衣乃令逐犬遂升車入而被害

晉武帝太康九年幽州有犬鼻行地三百餘步天戒若曰是時帝

不思和嶠之言卒立惠帝以致衰亂是言不從之罰也

惠帝元康中吳郡婁縣人家聞地中有犬子聲掘之得雌雄各一

還置窟中覆以磨石經宿失所在天戒若曰帝既衰弱藩王相譖

故有犬禍

永興元年丹陽內史朱逵家犬生三子皆無頭後逵為揚州刺史

曹武所殺

孝懷帝永嘉五年吳郡嘉興張林家狗人言云天下人餓死於是

果有二胡之亂天下饑荒焉

愍帝建興狗與猪交按漢書景帝時有此以為悖亂之氣亦犬豕禍也犬兵革之占也豕北方匈奴之象逆言失聽異類相交必生害也俄而帝没于胡是其應也

元帝太興中吳郡太守張懋聞齋內牀下犬聲求而不得既而地自坼見有二犬子取而養之皆死尋而懋為沈克所害京房易傳曰讒臣在側則犬生妖

太興四年廬江瀟縣何祖家忽聞地中有犬子聲掘之得一母犬青釐音黎黑而黃色色狀甚羸瘦走入草中不知所在視其處有二犬子一雄一雌哺而養之雌死雄活及長為犬善噬野獸其後祖里中為蠶所沒

安帝隆安初吳郡治下狗恒夜吠聚高橋上人家狗有限而吠聲甚眾或有夜視初觀視之云一狗假有兩三頭皆前向亂吠無幾孫恩亂於吳會為

是時輔國將軍孫無終家于暨陽地中聞犬子聲尋而地坼有二犬子皆白色一雄一雌取而養之皆死後無終為桓玄所誅滅按尸子曰地中有大名曰地狼夏鼎志曰掘地得大名曰賈此蓋自然之物不應出而出為犬禍也

桓玄將拜**楚**王已設拜席群官陪位玄未及出有狗來便其席莫不驚怪玄性猜暴竟無言者遂狗改席而已天戒若曰桓玄無德而叨竊大位故大便其席示其妄據之甚也八十日玄敗亡焉

劉聰末年犬與豕交詳見豕禍門

後齊天保四年鄴中及頻丘並有犬與女交洪範五行傳曰異類不當交而交諱亂之氣犬交人為大禍犬禍者亢陽失衆之應也

時帝不恤國政恩澤不流於其國

後主時犬為開府儀同唯者有夫人郡君之號給食以奉養食以梁肉藉以茵蓐天奪其心爵加於犬近犬禍也天意若曰卿士皆類犬後主不悟遂以取滅

後周保定三年有大生子腰已後分為兩身二尾六足犬猛畜而有瓜牙將士之象也時宇文護與侯伏侯龍恩等有謀懷貳犬體後分此其應也

隋大業初鴈門百姓問犬多去其主群聚於野形頓變如狼而噉噬行人數年而止五行傳曰犬守禦者也而今去其主臣下不附之象形變如狼狼色白為主兵之應也其後帝窮兵黷武勞役不息天戒若曰無為勞役守禦之臣將叛而為害帝不悟遂起長城之役續有西域遼東之舉天下怨叛及江都之變並宿衛之臣也

武德三年突厥處羅可汗將入寇夜聞犬群嗥而不見犬武后初酷吏丘神勣家狗生子皆無首當項有孔如口晝夜嗥吠俄失所在

神功元年安國獻兩首犬首多者上不一也

天寶十一載李林甫晨起照飾將朝取書囊視之中有物如鼠躍于地即變為狗大雄目張牙視林甫林甫射之中殺然有聲隨箭沒

貞元七年趙州栢鄉民李崇真家黃犬乳犢

會昌三年定州深澤令家狗生角 大中初狗生角京房曰執政失將害之應又曰君子危陷則狗生角 咸通中會稽有狗生而不能吠擊之無聲狗職吠以守禦其不能者象鎮守者不能禦寇之兆 成汭為荆南節度使城中犬皆夜吠日者向隱以為城郭

將丘墟

中和二年秋丹徒狗與彘交占曰諸侯有謀害國者宋紹興六年四月中京大雪雷震群犬數十爭赴土河而死可救者總二三戎狄犬類也戎狄亂華將自斃也

慶元二年撫州有大人坐于郡守治事之坐後守臣林廷彥卒于官

下體生上之病

西漢景帝時梁孝王北獵梁山有獻牛足出背上王惡之六月中

病熱六日斃張晏曰足當處下所以輔身也今出背上象孝王背

之畜衛在六月北方數

後周武帝保定三年有牛足生於背

唐咸通十四年七月宋州襄邑有獵者得雉五足三足出背上足

以於背下干上之象五足者衆也

羽蟲之異

契母曰簡狄有娥氏之女為帝嚳次妃三人行浴見玄鳥墮其知

簡狄取吞之因孕生契

姜嫄為帝嚳元妃履巨人跡而生稷以為不祥棄之置渠中水上

飛鳥以其異覆薦之姜原以為神乃牧養之

商高宗祭成湯有蜚雉登鼎耳而雊劉歆以為羽蟲之孽高宗廟

之器野鳥自外來入為宗廟器主是繼嗣將易也一曰鼎三公象

以耳行野鳥居鼎耳小人將居公位敗宗廟之祀武丁恐駭謀於

忠賢修德而正事故能攘其妖致百年之壽

周武王伐紂師渡孟津既濟有火自上復于下至于王屋流為鳥

其色赤其聲魄云馬融曰王屋王所居屋流術也魄然安定意也

鄭云曰善說云鳥有孝名武王卒父大業故鳥

齊豫赤者周之正色也索隱曰按今文恭誓
流為鵙鵙擊鳥也馬融云明武王能伐紂

春秋昭公二十五年夏有鸛鵒來巢劉歆以為羽蟲之孽其色黑

又黑祥也視不明聽不聰之罰也劉向以為蜚有蜚不言來者氣

所生所謂蜚也師占曰此蜚謂負蜚也其為蟲臭短孤即今所

音域蜚亦作鸛鵒言來者氣所致所謂祥也鸛鵒夷狄穴藏之禽

來至中國不穴而巢陰居陽位師古曰今之鸛鵒中國皆有依周

魯所常無異而書之而此云夷狄禽未喻其意又此鳥本

將逐昭公去宮室而居外野也鸛雉白羽旱之祥穴居而好水黑

色為主急之應也天戒若曰既失衆不可急暴急暴陰將持節陽

以逐爾去宮室而居外野矣昭不寤而舉兵圍季氏為季氏所敗

出奔于齊遂死于外野董仲舒指略同

赧王二十九年宋有雀生於城之陬史占之曰占小而生大必

霸天下宋康王喜起兵滅滕伐薛東敗齊南敗楚西敗魏與齊魏

為敵欲霸之亟成射天笞地斬社稷而焚城之又為長夜之飲天

下之人謂之桀宋齊湣王起兵伐之民散城不守宋王奔魏死於

溫

漢景帝三年十一月有白頸烏與黑烏群聞楚國呂縣白頸不勝

墮泗水中死者數千劉向以為近白黑祥時楚王戊暴逆無道與

吳王謀反烏群聞者師戰之象象白頸者小明小者敗也墮於水

將死水地其後王戊反兵敗走為人所殺京房易傳曰逆親親厥

妖白黑烏聞於國武帝太始三年二月行幸東海獲赤鴈作朱鴈

之歌

昭帝始元元年春二月黃鵠下建章宮太液池中臣瓚曰待漢用

鵠色皆白而今更黃以為土德之瑞故紀之也

師古曰非也黃鵠大鳥一舉千里者非白鵠也

文天卷三百二十一

物異考

元鳳元年有鳥與鵲聞燕王宮池上鳥墮池死近黑祥也時燕王
 且謀為亂遂不改寤伏辜而死燕王皆骨肉藩臣以驕怨而謀逆
 俱有烏鵲聞死之祥行同而占合此天人之明表也燕王烏鵲聞
 於宮中而黑者死燕以萬數聞於野外而白者死象燕陰謀未發
 獨王自殺於宮故一烏水色者死燕坑陽舉兵軍師大敗於野故
 飛烏金色者死天道精微之效也京房易傳曰專征劫殺厥妖鳥
 鵲聞

昭帝時有鵲或曰禿鷲師古曰鵲鵲即汗澤也一名淘河腹下
因各禿鷲亦水鳥也鵲音大奚反鵲音胡鷲音秋集昌邑王殿下王使人射殺之劉向以

為水鳥青色青祥也時王馳騁無度慢侮大臣不敬至尊有服妖

之象師古曰謂多治及注冠及以冠奴也故青祥見也野鳥入處宮室將空王不悟

卒以亡京房易傳曰辟退有德厥咎狂厥妖水鳥集于中國

宣帝元康三年春以神雀數集泰山賜諸侯王丞相以下令即從

官帛吏民爵女子牛酒鰥寡孤獨高年帛六月詔曰前年夏神

爵集雍音灼曰漢注大如鵲爵黃今更五色鳥以萬數飛過屬縣

縣也三輔諸翔翔而飛欲集未下其令三輔毋得次春夏擿巢探卵彈

射飛鳥其為令

四年三月神爵五來以萬數集長樂未央北宮高寢甘泉泰畤殿

中及上林苑京兆尹張敞舍鵲飛集丞相府丞相黃霸以為

神雀議欲以聞敞奏霸曰長吏守丞對時臣敞舍有鵲雀飛止丞

相府屋上丞相以下見者數百人邊吏多知鵲雀者問之皆陽不

知丞相圖議上奏圖謀曰臣問上計長吏守丞以興化條皇天報

下神雀後知從臣敞舍來乃上郡國吏竊笑丞相仁厚有知略微

信奇怪也東坡致堂論

見鳳凰門

成帝河平元年二月庚子泰山山桑谷有戴音也焚其巢男子孫

通等聞山中群鳥戴鵲聲往視見巢難字然盡墮地中有三戴音也

燒死鳥子新生而樹大四圍巢去地五丈五尺太守以聞戴色黑

近黑祥貪虐之類也易曰鳥焚其巢旅人先笑後號咷泰山岱宗

五嶽之長王者易姓告代之處也天戒若曰勿近貪虐之人聽其

賊謀將生焚巢自害其子絕世易姓之禍其後趙飛燕得幸立為

皇后姊妹專寵後宮有子者殺之并殺其母帝崩后坐誅此焚巢

殺子後號咷之應也一曰王莽貪虐而任社稷之重卒成易姓之

禍云京房易傳曰人主暴虐鳥焚其舍

鴻嘉二年三月博士行大射禮有飛雉集于庭歷階登堂而雉後

雉又集太常宗正丞相御史大夫大司馬車騎將軍之府又集未

央官承明殿屋上時大司馬車騎將軍王音待詔寵等上言天地

之氣以類相應師古曰以經術待詔其人各寵不謹告人君甚微

而著雉者聽察先聞雷聲故月令以紀氣師古曰謂李冬之經載

高宗雉之異師古曰已以明轉禍為福之驗今雉以博士行禮

之日大眾聚會飛集於庭歷階登堂萬眾睭睭師古曰睭睭仰目

驚怪連日徑歷三公之府太常宗正典宗廟骨肉之官然後入宮

其宿留告曉人具備深切師古曰宿音先就雖人道相戒何以過

是宜謀於賢知克已復禮以求天意繼嗣可立災變可銷也

成帝綏和二年三月天水平襄相燕生爵哺食至大俱飛京房易

傳曰賊臣在國厥咎燕玉爵諸侯銷一曰生非其類子生嗣世

後漢明帝永平十一年獲白雉

十七年神雀五色翔集京師

章帝元和二年辛泰山柴告岱宗有黃鵠三十從西南來經祠壇

上東北過于宮室翔翔升降

桓帝永壽元年白鳥見**齊國**

靈帝中平三年八月中懷陵上有萬餘爵先極悲鳴已因亂閭相殺皆斷頭懸著樹枝枳棘到六月**靈帝**崩大將軍何進以內寵外嬖積惡日久欲悉糾黜以隆更始宄政而太后持疑事久不決進從中出於省內見殺因是有司盪滌震劉後祿而尊尊者還自相害至夫陵者高大之象也天戒若曰諸懷爵祿而尊尊者還自相害至滅亡也古今註曰建武九年六月郡八縣鼠食稼張璠紀曰初平元年秋曰建安七年五月色大鳥集魏郡衆鳥數千隨之魏志曰二十三年禿鷲集鄴宮文昌殿後池

後主建興九年十月江陽至江州有鳥從江南飛渡江北不能達墮水死者以千數時諸葛亮連年動衆志吞中夏而終死渭南所圖不遂又諸將分爭頽喪徒旅鳥北飛不能達墮水死者皆有其象也亮竟不能過備是其應也

魏文帝黃初元年四月饒安縣言白雉見四年五月有鷄鵠題胡鳥集靈芝池按劉向說此羽蟲之孽又青祥也詔曰此詩人所謂汗澤者也曹詩刺莽公遠君子近小人今豈有賢智之士處于下位否則斯鳥胡為而至哉其傳舉天下舊德茂才獨行君子以荅曹人之刺於是揚扈管寧之徒咸見薦舉此所謂觀妖知懼者也雖然猶不能優容亮直而多溺偏私夫京房易傳曰避退有德厥妖水鳥集子國井

黃初元年未央宮中又有燕生鷹中瓜俱赤此與**商紂****宋隱**同象景初元年又有燕生巨穀苦侯於**衛國**李蓋家形若鷹吻以燕此羽蟲之孽又赤青也高堂隆曰此**魏室**之大異防鷹揚之臣於蕭牆之內其後**宣帝**起誅曹爽遂有**魏室**

漢獻帝建安二十三年禿鷲鳥集鄴宮文昌殿後池明年魏武王

魏文帝黃初三年又集雒陽芳林園池七年又集其夏文帝崩

景初末又集芳林園池已前再至輒有大喪帝惡之其年明帝崩

景初元年陵霄閣始構有鵲巢其上鵲體白黑雜色此羽蟲之孽

又白黑祥也帝以問高堂隆對曰詩云惟鵲有巢惟鳩居之今興

起宮室而鵲來巢此宮室未成身不得居之象也天戒若曰宮室

未成將以他姓制御之不可不深慮於是帝改容動色

吳孫權赤烏元年以有赤鳥之祥改元

十一年八月白鳩見於章安

十二年四月有兩烏銜鵲墮東館權使領丞柏朱據燎鵲以祭

按劉歆說此羽蟲之孽又黑祥也視不明聽不聰之罰也是時

權意溢德衰信讒好殺二子將危將相俱殆親故不厝加之以

燎昧道之甚者也明年太子和廢曹王霸賜死朱據左遷陸議

憂卒是其應也東鄧典教之府鵲墮東館又天意乎

吳孫權太元二年正月封前太子和為南陽王遣之長沙有鵲

巢其帆檣凡檣二音和故官僚聞之皆憂慘以為檣木傾危非久安

之象是後果不得其死

孫亮建興二年十一月有大鳥五見于春中吳人以為鳳凰明

年改元為五鳳漢桓帝時有五色大鳥司馬彪云政道衰缺無

以致鳳乃羽蟲孽耳孫亮未有德政孫峻驕暴方甚此與桓帝

同事也案瑞應圖大鳥似鳳而為孽者非一宜皆是也

孫休永安三年西陵言赤鳥見

六年白燕見於慈湖赤雀見於豫章

晉武帝泰始四年八月有翟雉飛上闔闔門天戒若曰闔闔門非
雉所止猶殿宗雉登鼎耳之戒也

惠帝永康元年趙王倫梁篡京師得異鳥莫能名倫使人持出周
旋城邑市以問人積日宮西有小兒見之遂自言曰服留鳥翳持
者耶還白倫倫使更求又見之仍將入宮密籠鳥并閑小兒戶中
明日視之悉不見此羽蟲之孽時趙王倫有目癘之疾言服留者
謂倫留將服其罪也尋而倫誅

趙王倫篡位鶉入太極殿雉集東堂天戒若曰太極東堂皆朝享
聽政之所而鶉雉同日集之者趙王倫不當居此位也詩云鶉之
疆疆鶉之奔奔人之無良我以為君其此之謂乎尋而倫滅

孝懷帝永嘉元年二月洛陽東北城廣里地隅有蒼白二色鶉出
蒼者飛翔冲天白者止焉此羽蟲之孽又黑白祥也陳留董養曰
此廣國之狄泉盟會地也白者金色國之行也蒼為胡象其可蓋
言乎是後劉元海石勒相繼亂華

明帝太寧三年八月庚戌有大鳥二蒼黑色翼廣一丈四尺其一
集司徒府射而殺之其一集市北家人舍亦獲焉此羽蟲之孽也
又黑祥也又閏月八子而帝崩後遂有蘇峻祖約之亂

成帝咸和二年正月有五鷗鳥集殿庭北又白祥也是時麀亮苟
違衆謀將召蘇峻有言不從之咎故曰祥先見也三年二月峻果
作亂宮掖焚毀化為汙萊鳥來二音此其應也

咸康八年七月有白鷺集殿屋是時康帝始即位不來之祥也後
滋再暮而帝崩按劉向曰野鳥入殿宮室將空此其應也

海西初少興寧三年二月即位有野雉集于相風此羽蟲之孽也
尋為桓溫所廢也

孝武帝太元十六年六月鵲巢太極東頭鳴尾又巢國子學堂西頭十八年東宮始成十九年正月鵲又巢其西門此始與魏景初同占學堂風教之所聚西頭又金行之祥及帝崩後安皇嗣位桓玄遂慕風教乃頽金行不競之象也

安帝雍熙三年龍驤將軍朱猗於離戊壽陽婢炊飯忽有群鳥集窻競來啄啾婢驅逐不去有獵狗咋殺兩鳥餘鳥因共啄殺狗又啾其肉唯餘骨存此亦羽蟲之孽又黑祥也明年六月猗死此其應也

石虎饗群臣于太武殿前有白鴈百餘集于馬道南命射之所得六史令趙攬以為白鴈集庭宮室將空揚州送黃鵠雛五頭長一文聲聞十餘里泛之於玄武池

宋孝武帝大明七年十一月大閱水師於中江有白雀二集華蓋梁武帝中大同元年邵陵王綸在南徐州坐聽事有野鳥如鷓鴣數百飛登梁上彈射不中俄頃失所在京房易飛候曰野鳥入君室其邑虛君亡之他方後綸為湘東王所襲竟致奔亡為西魏所殺侯景在梁將受勳命陳備物於庭有野鳥如山鵲赤背集於冊書之上鵲鳴於殿與中大同元年同占景尋敗將亡入海中為羊躄所殺

陳後主時蔣山有衆鳥鼓翼而鳴曰奈何帝京房易飛候曰鳥鳴門關如人音邑且亡蔣山吳之望也鳥於上鳴吳邑空虛之象及陳亡建康為墟又陳末亡時有一足鳥集于殿庭以背畫地成文曰獨足上高臺盛草變成灰獨足者叔寶獨行無衆之應盛草成灰者陳政蕪穢被隋火德所焚除也叔寶至長安館於都水臺上高臺之義也

魏太武太延元年白燕集於盛樂舊都玄鳥隨之以千數白雉三

後齊孝昭帝即位之後有雉飛上御坐占同中大同元年又有鳥

止於後園其色赤形似鴨而有九頭其年帝崩

天統三年九月萬春鳥集仙都苑京房易飛候曰非常之鳥來宿

於邑中邑有兵周師入鄴之應也

武成胡后生後主初有鳥來后帳而鳴鳥不孝之鳥不祥之應也

後主嗣位胡后淫亂事彰遂幽后於北宮焉

武平七年有鸛巢太極殿又巢并州嘉陽殿雉集晉陽宮御坐獲

之京房易飛候曰鳥無故巢居君門及殿屋上邑且虛其年國滅

周大象二年二月有雉集洛陽宮太極殿其年帝崩後宮常虛

隋開皇初深主蕭深所起後有雉集其帳隔未幾琮入朝被留

於長安梁國遂廢

大業四年蜀郡獲三足鳥

八年帝征遼東次大頓見二大鳥高丈餘臍身朱足游詠自若上

異之命工圖寫并立銘頌

十二年二月甲子夜有二大鳥似鵬飛入大業殿止于御帷至明

而去

大業末京師宮室中恒有鴻鴈之類無數翔集其間俄而長安不

守

十三年十一月烏鵲巢帝帳帷驅不能止帝尋逢弒

唐武德初隋將堯君素守蒲州有鵲巢其砲機

貞觀十六年立晉王為太子雉集太極殿前雉集東宮顯德

殿前太極三朝所會也帝以問褚遂良對曰昔秦文公時有童子

文獻卷三百十二

物異考

七

化為雉雌者鳴於陳倉雄者鳴於南陽童子曰得雄者王得雌者霸文公遂以為寶鷄祠漢光武得雄遂起南陽有四海陛下舊封秦王故雄雉見秦地所以彰明德也上悅

十七年春齊王祐為齊州刺史好畜鴨有狸嚙鴨頭斷者四十餘宋徽四年宋州人蔡道基舍傍有獸高丈餘頭類羊一角鹿形馬蹄牛尾五色有翅占曰鳥如畜形者有大兵

五年七月辛巳萬年宮有小鳥如雀生子大如鳴鳩調露元年鳴鷄群飛入塞相繼蔽野至二年正月還復北飛至靈夏北悉墮地而死視之皆無首

文明後天下屢奏雌鷄化為雄或半化者景龍四年六月辛巳朔烏集太極殿梁驅之不去開元十三年十一月戊子雄雉馴飛泰山齋宮內封禪所以告成

功祀事無重於此者而野鳥馴飛不忌禁衛不祥二十五年四月濮州兩烏兩鵲兩鸚鵡同巢隴州鵲哺慈鳥

二十八年四月庚辰慈鳥巢宣政殿拱辛巳又巢宣政殿拱天寶十三載葉縣有鵲巢于車轍中不巢木而巢地失其所也至德二載三月安祿山將武令珣圍南陽有鵲巢于城中砲機者三雛成乃去

大曆八年九月武功獲大鳥肉翅狐首四足有爪長四尺餘毛赤如蝙蝠群鳥隨而噪之近羽蟲孽也

十三年五月左羽林軍有鸚鵡鵲二貞元四年三月中書省梧桐樹有鵲以泥為巢鵲巢知歲次於羽蟲為有知今以泥露巢遇風雨壞矣是歲夏鄭汴境內烏皆群飛集魏博田緒淄青李納境衙木為城高二三尺方十里緒納惡而

焚之信宿又然烏口皆流血

九年春許州鵲哺烏雛

十年四月有大鳥飛集宮中食雜骨數日獲之不食死 六月辛

未晦水鳥集左藏庫 七月懷州奏獲白鵲二

十一年二月同州進五色鷹 八月潞州進白鵲 十一月潭州

進赤烏

十二年七月河陽進鸚鵡二

十三年懷州鸚鵡巢內有黃鵲往來哺食

十四年秋有異鳥色青類鳩鵲見於宋州郊外所止之處群鳥翼

衛朝夕嚙稻梁以哺之睢陽人適野聚觀者旬日

十八年六月烏集徐州之滕縣嚙柴為城中有白烏一碧烏一

元和元年常州鵲巢于平地

四年十二月群鳥夜集于太行山上十三年春淄青府署及城中

鳥鵲互取其雛各以哺子更相搏擊不能禁

寶曆元年十月丙申群鳥夜鳴

長慶元年六月鄆州奏雷澤縣界有烏巢因風墜二雛鵲引而哺

之

開成元年閏五月丙戌烏集唐安寺逾月散雀集玄法寺燕集蕭

望之家

二年三月真興門外鵲巢於古塚鵲巢知避歲而古占又以高下

卜水旱今不巢于木而穴于冢不祥 秋突厥鳥自塞北群飛入

塞

五年六月有禿鷲群飛集禁苑鷲水鳥也

會昌元年潞州長子有白頸烏與鵲鬪

大中十年三月舒州吳塘堰有衆禽成巢闊七尺高一尺水禽山鳥無不馴狎中有如人面綠毛紺爪觜者其聲曰甘人謂之甘蟲占曰有鳥飛常來宿于邑中國有兵人相食

咸通七年涇州靈臺百里戎有雀生鷲至大俱飛去京房易傳曰賊臣在國厥妖燕生雀雀生鷲同說

十一年夏雉集河內縣署

咸通中吳越有異鳥極大四目三足鳴山林其聲曰羅平占曰國有兵人相食

乾符四年春廬江縣北鵲巢于地

六年夏鵲雉集于偃師南樓及縣置劉向說野鳥入處宮室將空廣明元年春絳州翼城縣有鵲鳥群飛集縣署衆鳥逐而噪之光啓元年二年復如之鵲一名訓狐

中和元年三月陳留有鳥變為鵲 二年有鵲變為鳥古者以鳥

卜單之勝負鳥變為鵲民從賊之衆鵲復變為鳥賊復為民之衆

三年新安縣吏家捕得雉養之與雞馴月餘相與鬪死

四年臨淮漣水民家鷹化為鵝而弗能游鷹以鷲而擊武臣衆也鵝雖毛羽清潔而飛不能遠無搏擊之用充庖厨而已

光啓元年十二月陝州平陸集津山有雉二首向背而連頸者棲集津倉廡後數月群雉數百來鬪殺之

二年正閏鄉湖城野雉及鷲夜鳴七月中條山鵲焚其巢京房易傳曰人君暴虐鳥焚其舍

三年十月慈州件城梟與鷲鬪相殺

光化二年幽州節度使劉仁恭屠貝州去夜有鵲鳥十數飛入帳中逐去復來 昭宗時有秃鷲鳥巢寢殿隅帝親射殺之

天復二年帝在鳳翔十一月丁巳日南至夜驟風有鳥數千迄明
飛噪日不止自車駕在岐常有鳥數萬棲殿前諸樹岐人謂之神
鴉

三年宣州有鳥如雉而大尾有火光如散星集于戰門明日大火
曹局皆盡惟兵械存

後唐天成二年五月懷州進白鵠 六月兗州進三足鳥

清泰元年十月辛未巳時有雉金色自南飛入中書止於政事堂

至春上吏驅之不去良久飛入於民家得之 其年李愚劉

晉天福八年三月有白鳥棲於作坊桐樹 胸並羅相

漢乾祐三年五月太原進白鳥

周廣順三年六月河南河北諸州旬日內無鳥既而聚澤潞之間
山谷中集於林木壓樹枝皆折是年人疾疫甚衆至顯德元年河

顯德元年三月潞州高平縣有鵲巢于縣郭之南平地巢中七八
雛 其北

三年潁州進白鳥

宋乾德六年西川兵馬都監張延道獻白鵠

太平興國五年七月祕書丞郭廷釗獻紫鵠

九年江陵獻綠鵠 易州獻紅山鵠 潁州獻白雉 西京獻白

鳩

至道元年四月知通利軍錢昭序獲赤鳥以獻上曰鳥色正如澤
舟正火德之應也具州獻白鵠鵠 越州獻白鸚鵡 九月京師
自旦至酉群鳥百餘萬飛翔有聲如風識者云突厥雀亦云蕃雀
咸平二年八月黃州群雞夜鳴至冬不止

太平祥符二年春昇州見黃雀群飛蔽日有從空墜者占主民有

文獻卷三十一
物異考
役事是歲火 延州天建節道場有禽素質脩毛赤味丹趾集壇側槐樹醮罷方去是秋有禽白質丹味飛止禁中殿隅逐之至天書殿而隱

三年三月禁中有禽止殿檻馴擾無畏宮人以袂捧之而獻采毛脩頸惟飲水不粒食 五年七月乙酉建安軍鑄聖像所啓道場神雀五色脩尾黃喙集聖像上九月庚辰復有神雀丹味黃腹背翅青綠集五皇殿幕馴擾不驚

六年十月代州五臺山有吉祥鳥見形翅甚大其飛也四黃鳥導之四鵲從之泰山興功有鳥狀烏味趾皆赤役夫稍憇即飛鳴作起之聲衆工見其來畚鍤爭進將哺而去日以為常目為催鳥寶元元年二月乙酉興州長舉縣有鵲羽毛紫白背脚紅不類常鵲 治平三年五月太子右贊善大夫陳世脩獻白鳥

熙寧七年六月乙未廣州言增城縣鳳凰見 元豐三年八月戊

寅進州平棘縣獲白鵲 九月丙午趙州獲白鳥

六年七月壬申丹州生白雀

政和三年九月大饗明堂有鶴回翔堂上明日又翔于上清宮是時所在言瑞鶴宰臣等表賀不可勝紀

宣政元年九月戊午蔡京等表賀赤鳥又賀白鵲

政和後禁苑多為村居野店又聚珍禽野獸鹿駕鴉禽鳥數百實其中至宣和間每秋風夜靜禽獸之音四徹宛若深山大澤陂野之間識者以為不祥 宣和末南郊禮畢御郊宮端誠殿天未明百辭方稱賀忽有鴉正鳴于殿屋若與贊拜聲相應和聞者駭之時已報女真背盟未踰月內禪明年有青城之難

建炎三年上在揚州二月辛亥早朝有禽羽飛鳴行殿三匝一再

正于宰臣汪伯彥朝冠冠者尊服飛鳥踐之不祥翠羽又青祥也
劉向以為野鳥入宮室將空一曰敗亡之應是日虜兵入揚州有
倉卒渡江之變後二十日伯彥罷相尋坐貶

四年正月丁巳虜兵圍陝府為鴉數萬飛噪城上與戰聲相亂虜
將黃宿曰城當陷急攻之遂失守近羽孽也

七年烏鳴于劉豫後死又群鳥鳴于內庭如曰休也豫惡之募人
獲一梟者予錢五十是歲豫廢為庶民

十七年二月有白鳥六集于高棗壇上近羽孽也宰臣沈該以瑞
奏

二十七年饒州鄱陽縣有妖鳥身鷄尾長喙方足赤目上于民
屋數日彈矢不能中亦羽孽也

乾道六年邵武軍泰寧縣有爵飛鳴立死于瑞寧佛刹香鼎先是
船與初是邑有爵立死于丹霞佛刹之鼎皆羽孽也釋子因釋其
妖謂之雀化

慶元三年春池州銅陵縣雉為雄化雌近羽孽也

文獻通考卷之三百十五

鄱陽 馬端臨 貴與 著

物異考

鳳凰

虞舜蕭韶九成鳳凰來儀

韶舜樂名言蕭見細樂之備雅曰鳳雖不待九而率舞

曰鳳靈鳥也儀有容儀備樂九奏而致

漢昭帝始元三年冬十月鳳凰集東海遣使者祠其處

宣帝本始元年五月鳳凰集膠東千乘 四年五月鳳凰集北海安丘淳于

地節二年四月鳳凰集魯郡群鳥從之 元康二年三月以鳳凰

集賜天下吏民爵女子牛酒鰥寡高年帛 神爵二年鳳凰集京師群鳥從者以萬數 四年冬十月鳳凰十一集柱陵十二月鳳

鳳集上林 五鳳三年鸞鳳集長樂宮東闕中樹上飛下止地文章五色

東坡蘇氏曰黃霸傳言時鳳凰神爵數集郡國潁川尤多天子以霸治行長者下詔稱揚此可疑也霸以鶡為神爵不知潁川之鳳以何物為之耶

致堂胡氏曰孝宣之世誠安且治矣然方之堯舜成康可封刑措之俗無乃尚遠有不及乎鳳凰何為而屢至哉自本始逮黃龍二十五年間天變則日食星孛大雨雹地變則四十九郡同日震山崩壞宗廟殺人民以人事論之趙蓋揚韓四良臣無罪而死元康二年中子弟殺父兄妻殺夫者二百四十二人魏相以為大故者不論他年然則世雖安治亦多舛逆不得稱太平決矣鳳凰表太平之瑞也何為而至哉宣帝

繼武帝之後撫養百姓不興兵革親致康阜其心自喜必有

窺見微意者故爭言祥瑞以侈耀之雖然所謂鳳者非也何以明之丞相霸以鶡為神爵而神爵年號非有他異焉乃為鳳凰而名之然則其時公以鶡為神爵神爵為鳳凰則鳳凰群集非鶡而何雖名治安而未及古正使有鳳尚不足貴况非鳳耶此可破千載之疑而發一笑為後世自欺之戒也或曰漢權歸外家自五鳳始始天以告爾然則尤當警懼者也

後漢章帝元和三年正月鳳凰集肥城五月詔曰乃者鳳凰黃龍鸞鳥比集七郡正毛色赤被五采鳴中五音人君進退有度親踈有序則至也此類也或一郡再見其賜天下吏民爵及帛有差

安帝延光三年新豐上言鳳凰集西界亭今新豐縣西原有鳳凰原俗傳云即此時鳳凰所集之處也二月戊子有五色大鳥集濟南臺十月又集新豐時以為

之孽是時安帝信中常侍樊豐江京阿母王聖及外屬耿寶等讒言免太尉楊震發太子為濟陰王不慈之異也章帝末號鳳凰百

四十九見時直臣何敞以為羽孽似鳳翱翔殿屋不察也臣昭曰於故記者以為其後章帝崩以為駿按宣帝明帝時五色鳥群翔

殿屋賈逵以為胡降徵帝多善政雖有過不及至衰缺末年胡降二十萬口爾其驗也帝之時羌胡外叛讒慝內興羽孽之時也樂

叶圖徵說五鳳皆五色為瑞者一為孽者四叶圖徵曰似鳳有四喙圓目身義戴信嬰禮膺仁負智至則役之感也二曰發明鳥喙

大頸翼大大脰身仁戴智嬰義膺信負禮至則喪之感也三曰焦明長喙疏翼圓尾身義戴信嬰仁膺智負禮至則水之感也四曰

幽呂兌目小頭大身細足脰若鱗葉身智戴信負禮膺仁至則旱之感也國語曰周之興也鸞鳴岐說文曰五方神鳥東方

曰發明南方曰焦明西方曰鸞鳴北方曰幽呂中央曰鳳凰

桓帝元嘉元年十一月五色大鳥見濟陰已氏時以為鳳凰此時

政治衰缺梁冀秉政阿枉上幸亳后皆羽孽時也臣昭按魏明

靈帝光和四年秋五色大鳥見于新城衆鳥隨之時以為鳳凰時

靈帝不恤政事常侍黃門專權羽孽之時也衆鳥之性見非常斑駁好聚觀之至於小爵希見梟者覩見猶聚

魏文帝黃初元年八月石邑縣言鳳凰集

吳孫權黃武四年蒼梧言鳳凰見 黃龍元年夏口武昌並言

鳳凰見孫亮建興二年有大鳥五見於春申吳人以為鳳凰

晉武帝泰始元年郡國言鳳凰見凡六 二年鳳凰六見 五年

鳳凰見于趙國

穆帝昇平四年二月鳳凰將九雛見于豐城 十一月鳳凰復見

鳳凰見于趙國

鳳凰見于趙國

鳳凰見于趙國

于豐城群鳥隨之 五年鳳凰見于沔北

宋文帝元嘉十四年正月戊戌鳳凰二見於都下衆鳥隨之改其地曰鳳凰里

周武帝天和元年七月梁州上言鳳凰集楓樹衆鳥列侍以萬數

唐長壽三年十一月陳州上言苑丘縣鳳凰集衆鳥數萬前後翊從行列齊整色別為群後三日改元儀鳳

蜀王建元年鳳凰見萬歲縣

漢劉晟時鳳凰見邕州

宋端拱元年八月有鳳凰集廣州清遠縣解舍懽樹高六尺衆禽隨之向東北去

景德元年五月白州有三鳳自南來入城中群禽周繞至萬歲寺前棲百尺木龍樹身長九尺高五尺其文五色冠如金杯

熙寧七年六月乙未廣州言增城縣鳳凰見

雞禍

春秋左氏傳周景王時大夫賓起見雄雞自斷其尾劉向以為近

雞禍也時王有愛子子朝王與賓陰謀欲立之田于北山將因兵

衆殺適子之黨未及而崩三子爭國王室大亂其後賓起誅死子

朝奔楚而敗京房易傳曰有始無終厥妖雄雞自斷其尾

漢宣帝黃龍元年未央殿輅軫中雌雞化為雄輅與路同軫音零廐名也毛衣

變化而不鳴不將無距將謂率領其距群雞足附骨間時所用刺之元帝初元中丞

相府史家雌雞伏子漸化為雄冠距鳴將 永光中有獻雄雞生

角者京房易傳曰雞知時知時者當死房以為已知時恐當之劉

向以為房失雞占雞小畜主司時起居人為人起居之節小臣執事為政

之象也言小臣將秉君威以害正事猶石顯也竟寧元年顯伏辜

此其效也或曰顯何足以當此昔武王伐殷誓師曰牝雞無晨牝雞之晨惟家之索今殷王受惟婦言是用由是論之黃龍初元末光雞變廼國家之占妃后妃象也黃龍元年宣帝崩元帝立王妃將為后故是歲未央殿雌雞化雄明其占在正宮也不鳴不將無距貴始萌而尊未成也初元元年立王妃為后后以父丞相少史王禁為陽平侯明年立皇后子為太子故應是丞相府史家雌雞化為雄其占即丞相少史之女也伏子者明已有子也冠距鳴將者尊已成也永光二年禁薨子鳳嗣侯元帝崩成帝遂委政於元舅王氏之權自鳳始故於鳳始受爵位時雌雞有角明視作威專君害上危國者從此人始也京房易傳曰賢者居明夷之世知時而傷或衆在位厥妖雞生角雞生角時主獨又曰婦人顯政國不靜牝雞雄鳴主不榮故房以為已亦在占中矣

後漢靈帝光和元年南宮侍中寺雌雞欲化雄一身毛皆似雄但頭冠尚未變詔以問議郎蔡邕邕對曰貌之不恭則有雞禍臣切推之頭元首人君之象今雞一身已變未至於頭而上知之是將其事而不遂成之象也若應之不精政無所改頭冠或成為患滋大是後張角作亂稱黃巾破壞四方

魏明帝景初二年廷尉府中雌雞化為雄不鳴不將于寶曰是也宣帝平遼東百姓始有與能之義此其象也然晉三后並以人尸終而不鳴不將又天意也

晉惠帝元康六年陳國有雞生雄鷄無翅既大墜坑而死王隱以為雄者胤嗣子之象坑者母象今雞生無翅墜坑而死此子無羽翼為母所陷害乎於後賈后誣殺愍懷此其應也

太安中周玘起音家雌雞逃承雷中六七日而下奮翼鳴將獨毛不

變其後有陳敏之事敏雖控制江表終無紀綱文章殆其象也卒為圯所滅雞禍見圯家又天意也京房易傳曰牝雞雄鳴主不榮元帝大興中王敦鎮武昌有雌雞化為雄天戒若曰雌化為雄臣陵其上其後王敦再攻京師

孝武太元十三年四月廣陵高平閻高家雌雞生無右翅彭城人劉象之家雞有三足京房易妖曰君用婦人言則雞生妖是時主相並用尼媪烏老之言寵賜過厚故妖象見焉

安帝隆安元年八月琅邪王道子家青雌雞化為赤雄雞不鳴不將桓玄將篡不能成業之象

四年荊州有雞生角角尋墮落是時桓玄始擅西夏狂慢不肅故有雞禍天戒若曰角兵象尋墮落者暫起不終之妖也後皆應也元興二年衡陽有雌雞化為雄八十日而冠萎天戒若曰衡陽桓

玄楚國之邦略也及桓玄篡位果八十日而敗此其應也

隋文開皇中有人上書言頰歲已來雞鳴不鼓翅類腋下有物而妨之翻不得舉肘腋之臣當為變矣書奏不省京房易飛候曰雞鳴不鼓翅國有太害其後大臣多被夷滅諸王廢黜太子幽廢大業初天下雞多夜鳴京房易飛候曰雞夜鳴急令又云昏而鳴百姓有事人定鳴多戰夜半鳴流血漫漫及中年已後軍國多務用度不足於是急令暴賦責成守宰百姓不聊生矣各起而為盜戰爭不息屍骸被野

唐垂拱三年七月冀州雌雞化為雄 永昌元年明州松州各有

雌雞化為雄 景龍二年春滑州匡城縣民家雞有三足京房易

妖占曰君用婦言則雞生妖 玄宗好聞雞貴臣外戚皆尚之貧

者或弄木雞識者以為雞酉屬帝生之歲聞者兵象近雞禍 大

中八年九月考城縣民家雉化為雌伏子而雉鳴雉化為雌王
室將卑之象反雌伏也漢宣帝時有此異至元帝而王氏始萌蓋
馴致其禍也

咸通六年七月徐州彭城民家雞生角角兵象雞小畜猶賤類也

宋紹興初陳州民蓄雞忽人言近雞禍也後河南為偽齊所據時

松陽縣民家雞生三足與唐志景龍中雞禍同占縣治有雞伏卵

毛生殼外近雞禍亦毛孽也 乾道六年衢州西安縣官塘有物

怪雞首人身高丈餘畫見于野 慶元三年饒州壘舍雞卵出蛇

近雞孽亦蛇孽也 徽州婺源縣張村民家雌雞化為雄烹之形

冠距而腹郊孕同里洪氏家雄雞伏子中一雌有三足

龍蛇之異

夏孔甲之時天降二龍有雌雄孔甲不能食未得豢龍氏豢養也

陶既衰其後有劉累學擾龍擾音柔馴也龍能于豢龍氏以豢

孔甲孔甲賜之姓曰御龍氏受豕韋之後龍一雌死潛醢以食夏

后夏后享之既而使求之懼而遷去

史記夏后氏之衰有二龍止於夏庭而言余褒之二君也褒古

帝卜殺之去之止之莫吉卜請其祭而藏之乃吉應劭曰蔡末也

師留也去音丘呂反蔡音丑之反 於是布幣策告之幣音禮讀

策詞其語之也說者以龍亡而祭在乃匱去之師古曰匱音去音

為策者稱米蓋失之矣龍亡而祭在乃匱去之藏也匱音讀去音

反立其後夏亡傳匱於殷周三代莫發至厲王未發而觀之蔡流

于庭不可除也厲王使婦人羸而謀之應劭曰群呼曰謀師

為玄龜諱昭曰玄黑龜也黃場也似蛇而有入後宮處妾遇之而

孕師古曰處妾生子懼而棄之宣王立女童咎曰蔡孤箕服實亡

周國服夏曰蔡蔡桑也師古曰女童諱閭里之童女為歌謠也蔡

山桑之有黠文者也木弓曰孤服盛箭者即今之步叉也箕

草似狹而細織之為服也音一簾反其音基狹音敵後有夫婦鬻是器者宣王使執而僂

之師古曰鬻賣也音戈六反既去見處妾所棄妖子聞其夜號哀而收之遂亡

奔褒後褒人有罪入妖子以贖是為褒姒幽王見而受之生子伯

服王發申后及太子宜咎而立褒姒伯服代之發后之父申侯與

繒西畎戎共攻殺幽王師古曰畎戎即大戎亦曰昆夷詩曰赫赫宗周褒姒滅之

厲師古曰小雅正月之詩也赫赫盛貌也宗周鎬京也滅威也音呼悅反劉向以為夏后季世周之幽

厲皆諄亂逆天師古曰諄或也音布內反故有龍龜之怪近龍蛇孽也黎血也

一曰沫也繫弧桑弓也其服蓋以其草為箭服近射妖也女童昏

者禍將生於女國以兵寇亡也師古曰因婦也左氏傳魯嚴公時有

內蛇與外蛇聞鄭南門中內蛇死劉向以為近蛇孽也先是鄭厲

公劫相祭仲逐兄昭公代立後厲公出奔昭公復入死子儀代立

厲公自外劫大夫傅瑕使儀子儀此外蛇殺內蛇之象也蛇死六

年而厲公立嚴公問申繻曰猶有妖乎對曰人之所忌其氣炎以

取之妖由人興也人亡豐焉妖不自作人棄常故有妖京房易傳

曰立嗣立疑厥妖蛇居國門閭文公十六年夏有蛇自泉宮出

泉宮即泉臺入于國如先君之數劉向以為近蛇孽也泉宮在囿中公

母姜氏曾君之蛇從之出象宮將不居也詩曰維虺維蛇女子之

祥又蛇入國國將有女憂也秋公母薨公惡之乃毀泉臺後二年

公薨公子遂殺文之二子而立宣公文公夫人大歸于齊

昭公十九年龍鬪於鄭時門之外南淵劉向以為近龍孽也鄭以

敬妖龍閩

小國攝乎晉楚之間重以強吳時子產任政內惠於民外善辭令

以交三國鄭卒亡患能以德消變之效也京房易傳曰衆心不安

敬妖龍閩

漢高祖母媪嘗息大澤之陂休息而夢與神遇是時雷電晦冥父

夢與神遇是時雷電晦冥父

夢與神遇是時雷電晦冥父

夢與神遇是時雷電晦冥父

夢與神遇是時雷電晦冥父

夢與神遇是時雷電晦冥父

太公往視則見交龍其上已而有娠遂產高祖高祖為亭長送徒驪山被酒夜徑澤中有大蛇當徑乃拔劍斬蛇蛇分兩頭詳見門

漢惠帝二年正月癸酉且有兩龍見於蘭陵廷東里温陵井中至乙亥夜去劉向以為龍貴象而困於庶人井中象諸侯將有幽執之禍其後呂太后幽殺三趙王諸呂亦終誅滅京房易傳曰有德將害厥妖龍見井中又曰行刑暴惡黑龍從井出

文帝十五年黃龍見于成紀武帝泰始四年七月趙有蛇從郭外入與邑中蛇鬪孝文廟下邑中蛇死二年秋有衛太子事事自趙人江亢起宣帝甘露元年黃龍見新豐成帝鴻嘉元年冬黃龍見真定

後漢光武建武十二年六月黃龍見東河章帝建初五年有八黃龍見於泉陵伏虎古今註曰見零陵泉陵湘水中相與

延光元年九真言黃龍見無功歷城琅邪言黃龍見時安帝聽讒免大尉楊震震自殺又帝獨有一子以為太子信讒廢之是皇不中故有龍孽時多用佞媚故以為瑞應明年正月東郡又言黃龍

二見濮陽桓帝建和元年沛國言黃龍見譙元嘉二年濟陰言黃龍見句陽金城言黃龍見允街桓帝即位有大蛇見德陽殿上雒陽市令淳于翼曰蛇有鱗甲兵之象也見於省中將有劫

房大臣受甲兵之誅也其後梁冀以逆誅延熹七年六月壬子河內有野王山上有龍死長可數十丈長山松書曰襄楷以為夫龍者為帝王瑞易論大人天鳳中黃山宮有死龍漢兵誅莽而世祖復興此易代之徵也至建安二十五年魏文帝代漢臣昭曰夫

豈桓帝將崩之表乎妖等占殊其例斯微有欲附會以同天鳳則

帝涉三壬年諭五十此 永康元年八月巴郡言黃龍見時吏傳

為廷閣將恐非微矣 堅以郡欲上言內白事以為走卒戲語不可太守不聽嘗見堅語

云時民以天熱欲就池浴見池水濁因戲相恐此中有黃龍語遂

行人間聞郡欲以為美故言時史以書帝紀 (桓帝時政治衰缺

而在所多言瑞應皆此類也又先儒言瑞與非時則為妖孽而民

訛言生龍語皆龍孽也 熹平元年四月甲午青蛇見御坐上是

時(靈帝)委任官者王室微弱 建寧二年夏青蛇見御坐軒前張

與上疏言陳蕃竇氏未被明宥妖青之來皆為此也致煌實錄曰

於御前當 熹平五年沛國言黃龍見譙光祿大夫橋玄問太史

令單賜此何祥也曰其國後當有王者興不及五十年亦當復見

天事恒象此其應也內黃設登默而記至四十五年登尚在待延

康元年(魏王丕)嗣位三月黃龍見譙登聞之曰單賜之言其驗茲

乎

魏明帝青龍元年正月甲申青龍見邺之摩陂井中凡瑞與非時

則為妖孽况困于井非嘉祥矣(魏)以改年非也于寶曰自明帝終

世青龍黃龍見者皆其主廢興之應也(魏)土運青木色而不勝

于金黃得位青失位之象也青龍多見者君德國運內相尅伐也

故高貴鄉公卒敗于兵按劉向說龍貴象而困井中諸侯將有凶

執之禍也(魏)世龍莫不在井此君上者逼制之應(高貴鄉公)著潛

龍詩即此旨也

高貴鄉公正元元年戊戌黃龍見于鄴井中

甘露元年正月辛丑青龍見軹縣井中六月乙丑青龍見元城縣

界井中

二年二月青龍見温井中

文獻卷三百十三

物異考

九

三年黃龍青龍仍見頗丘冠軍陽夏縣界井中
四年正月黃龍二見寧陵縣界井中

元帝景元元年十二月甲申黃龍見華容縣井中三年二月龍見
穀縣井中

吳孫權黃武元年鄱陽言黃龍見 黃龍元年夏口武昌並言
黃龍見權即皇帝位改元 赤烏五年海盜言黃龍見 九年

雲陽言黃龍見 (孫休永安四年九月布山言白龍見 五年
始新言黃龍見 六年泉陵言黃龍見 長沙言青龍見 (孫

皓天冊中龍乳於長沙人家啖雞雛京房易傳曰龍乳人家王
者為庶人其後皓降晉

晉武帝泰始二年郡國言白龍見凡二 二年青龍十見黃龍九
見 三年白龍二見弘農澗池 五年青龍二見於滎陽白龍二

見于趙國 六年白龍二見於東莞 咸寧二年六月白龍二見
新興井中又見武庫井中 十一白龍二見于梁國 太康元

年白龍三見于永昌 二年白龍一見于濟南 五年白龍見京
北 九年青龍黃龍各一見于魯國 龍見武庫井中帝觀之有

喜色百僚將賀劉毅獨表曰昔龍繁侯潘反夏庭禍發周室龍見鄭
門子產不賀帝答曰朕德政未脩未有以應受嘉祥遂不賀也孫

盛曰龍水物也何與於人子產言之當矣但其所處寔為妖灾
夫龍以飛翔顯見為瑞今則潛伏幽處非休祥也漢惠帝二年兩

龍見蘭陵井中本志以為其後趙王幽死之象武庫者帝王威御
之器所寶藏也屋宇邃密非龍所處是後七年藩王相害二十八

年果有二胡僭竊神器二逆皆字曰龍此之表異為有證矣
愍帝建興二年十一月袍罕羌妓產一龍子色似錦文常就母乳

遙見神光少得就視此亦皇之不建於是帝竟淪沒

呂纂未能出東廂井中到其殿前蟠卧比旦失之俄又有黑龍升其宮門纂咸以為美瑞或曰龍者陰類出入有時今而屢見必有下人謀上之變後纂果為呂超所殺

武帝咸寧中司徒府有两大蛇長十許丈居聽事平僚音上而人不知但數年怪府中數失小兒及猪犬之屬後有一蛇夜出彼刃傷不能去乃覺之發徒攻擊殺時乃死夫司徒五教之府此皇極不建故蛇孽見之漢靈帝時蛇見御坐揚賜以為帝溺於色之應也魏代宮人猥多晉又過之燕游是酒此其孽也詩云惟德惟蛇女子之祥也

惠帝元康五年三月癸巳臨淄有太蛇長十餘丈負二小蛇入城北門徑從市入漢城陽景王祠中不見天戒若曰昔漢景王有定傾之功而不厲節忠慎以至失職奪功之辱今齊王罔不寤茲建興復之功而驕陵取禍此其徵也

明帝太寧初武昌有大地常居故神祠空樹中每出頭從人受食京房易妖曰蛇見於邑不出三年有大兵國有大憂尋有王敦之逆

恭帝元熙元年冬東方黑龍四登于天易傳由冬龍見天子亡社稷大人受命

劉裕微時行止時見二小龍附翼樵漁山澤同侶或亦觀焉及貴龍形更大後伐荻新洲見大地長數丈射之傷明日復至洲裏聞有杵臼聲往覘之見童子數人皆青衣於榛中搗藥問其故答曰我王為劉寄奴所射合散傳之裕曰王神何不殺之答曰寄奴王者不死不可殺裕叱之皆散仍收藥而反

慕容皝時有黑龍白龍各一見于龍山皝率群寮觀之去龍二百步祭以太牢二龍交首嬉翔解角而去皝大悅赦其境內號新宮曰和龍

宋文帝發江陵有黑龍躍負上所乘舟左右莫不失色上謂王曇首曰此乃夏禹所以受命吾何德以堪之至都群臣勸進即位

齊東昏侯永元三年七月丙辰龍闔于建康淮激水五里

梁武帝天監二年北梁州潭中有龍闔潰霧數里龍蛇之孽洪範五行傳曰龍獸之難害者也天之類君之象天氣害君道傷則龍亦害闔者兵革之象也京房易飛候曰衆心不安厥妖龍闔是時帝初即位而有陳伯之劉季連之亂國內危懼

普通五年六月龍闔于曲阿王陂因西行至建陵城所經之處樹木折開數十丈與天監二年同占經建陵而樹木折者國有兵革之禍園陵殘毀之象時帝專以講論為務不崇耕戰將輕而卒惰君道既傷故有龍孽之應帝殊不悟至太清元帝黎州水中又有龍闔波浪涌起雲霧四合而見白龍南走黑龍隨之其年侯景以兵來降帝納之而無備國人皆懼俄而難作帝以憂崩

大同十年夏有龍夜因雷而墮延陵人家井中明旦視之大如驢將以戟刺之俄見庭中及空中各有大蛇如數百斛船家人奔走洪範五行傳曰龍陽類貴象也上則在天下則在地不當見庶人邑里室家井中幽深之象也諸侯且有幽執之禍皇不建之咎也後侯景反果幽殺簡文于酒庫宗室王侯皆幽死

中大同元年有大蛇闔曲阿縣建陵隧中其一被傷奔走

元帝承聖二年有兩龍見湘州西江三年三月主衣庫見黑蛇長丈許數十小蛇隨之舉頭高丈餘帝望俄失所在帝又與宮人

幸玄洲苑復見大蛇盤屈如前群小蛇遶之並黑色帝惡之宮人曰此非怪也恐是錢龍帝敕所司即日取數千萬錢鎮於蛇處以厭之因設法會赦囚徒振窮乏退居栖心省又蛇從臺墜落帝帽上忽然便失又龍光殿上所御有輿復見小蛇縈屈輿中以頭駕夾膝前金龍頭上見人走去逐之不及城壕中龍騰出煥爛五色竦躍入雲六七小龍相隨飛去群小騰躍墜死於陸道龍處為窟若數百斛圖舊大城上常有紫氣至時稍復消歇 光特有二龍自南郡城西升天百姓聚觀五采分明江陵故老竊相泣曰昔年龍出建康淮而天下大亂今復有焉禍至無日矣帝聞而惡之踰年遘禍

陳武帝討侯景軍頓西昌有龍見水濱高五丈五尺鮮曜軍人觀者數萬人

永定三年正月丁酉夜大雪及旦太極殿前有龍跡現

宣帝太建十一年正月龍見南兗州池中與梁大同十年同占未

幾後主嗣位荒淫至於亡國為俘 後主末年有青龍出建陽門

井涌霧又見大地中分首尾各走

後魏孝靜帝天平二年龍見并州人家井中

東魏武定元年有大蛇見虎牢城時高仲密以虎牢叛附西魏神

武為西兵所寤

後齊天保九年有龍長七八丈見齊州大堂占同大同十年明帝

崩太子啟立常山王演廢而害之 河清元年龍見濟州浴堂中

占同天保九年 二年齊州上言濟河水口見八龍升天 天統

四年貴鄉人伐枯桑得一黃龍折脚死於孔中齊稱木德龍君象

木枯龍死不祥之甚其年武成崩

武平三年龍見邯鄲井中其氣五色屬天又見汲郡佛寺澗井中
占同河清元年後主竟降周後被誅

武平七年并州招遠樓下有赤蛇與黑蛇鬪數日赤蛇死赤齊尚
色黑周尚色鬪而死滅亡之象也後主任用邪佞與周師連兵於

晉州之下委軍於孽臣高阿那肱竟起敵人皇不建之咎也後主
遂為周師所虜琅邪王儼壞北宮中白馬浮圖石趙時澄公所建

見白蛇長數丈廻旋失所在時儼專誅失中之咎也見變不知戒
以及於難

後周建德五年黑龍墜於亳州而死龍君之象黑周所尚色墜死
不祥後二歲帝崩太子立 大象元年有黑龍與赤龍鬪於汴州

水側黑龍死次年宣帝崩靜帝立禪于隋
隋仁壽四年龍見代州總管府井中其龍或變為鐵馬甲士鬪弓

上射之象變為鐵馬近禍也彎弓上射又近射妖諸侯將有兵革
之變致幽囚也後漢王諒坐反誅

唐貞觀八年七月隴右大蛇屢見蛇女子之祥大者有所象也又
汾州青龍白龍見白龍吐物在空中光明如火墮地地陷掘之得

玄金廣尺長七寸 顯慶二年五月庚寅有五龍見於岐州之皇
后泉 先天二年六月京師朝堂磚下有大地出長丈餘有大蝦

蟻如盤而目赤如火相與鬪俄而蛇入于大樹蝦蟇入于草蛇蝦
蟻皆陰類朝堂出非其所也 開元四年六月彬州馬嶺山下有

白蛇與黑蛇鬪白蛇長六七尺吞黑蛇入腹口眼血流黑蛇長丈
餘頭穿白蛇腹出俱死 天寶中洛陽有巨蛇高丈餘長百尺出

芒山下胡僧無畏見之曰此欲決水瀦洛城即以天竺法呪之數
日蛇裂

十四載七月有二龍闕于南陽城西易坤上六龍戰于野文言
曰陰疑于陽必戰

至德元載八月朔成都文人廟有肉角蛇見 二載三月有蛇闕
于南陽門之外一蛇死一蛇上城 建中二年夏趙州寧晉縣沙
河北有崇樹甚茂民祠之為神有蛇數百千自東西來趨北岸者
聚崇樹下為二積留南岸者為一積俄有徑寸龜三繞行積蛇盡
死而後各登其積野人以告地腹皆有蒼若矢所中刺史康日知
圖其事奉三龜來獻 四年九月戊寅有龍見于汝州城壕龍大
人象其潛也淵其飛也天城壕失其所也 貞元十八年八月滄
州言白龍見 貞元末資州得龍丈餘西川節度使韋臯匣而獻
之百姓縱觀三日為煙所薰而死 元和十年四月滑州言青龍
見于新開河 大和二年六月丁丑西北有龍闕 三年成都門
外有龍與牛鬪 開成元年宮中有狼蛇相與鬪 光化三年九
月杭州有龍闕于浙江水溢壞民廬舍占同天寶十四載 光啓
二年冬邳州洛交有蛇見于縣署復見于州署蛇冬則蟄易曰龍
蛇之蟄以存身也 乾符三年三月奉天鎮上言金龍畫見自河
升天

蜀王建元年萬歲縣黃龍見 武定三年八月有龍王十見洵

陽水中 永平二年十二月黃龍見富義江又見大昌池

宋太祖從周世祖征淮南戰於江亭有龍自水中向太祖奮躍識
者驚異以為出潛之兆 乾德五年京師雨有黑龍見尾於雲際
自西北趨東南占主大水明年州府二十四水壞田廬 六年四
月單州單父縣民王美家龍起井中暴風雨漂廬舍失族屬及壞
舊鎮解舍入二百五十餘區大木皆拔 開寶七年六月隸州有

火自空墜於城北門樓有物抱東柱如龍金色足三尺許其氣甚
腥且視之壁上有煙痕爪迹三十六 太平興國二年五月白龍
見寧州要冊廟池中長數十丈東向吐青白雲見者千餘人

大中祥符元年八月青蛇出無為軍解長數尺許 三年內侍任
文慶奉詔於茅山設醮禱郭真人池取雙龍以歸長二寸許鱗極
細腹如玳瑁置手中仰覆無懼中路風雨失一五月內出以示近
臣令文慶送還茅山至華陽宮投池中俄於岸側樹上覩二龍一
乃放還者一乃所失者 六年五月迎奉聖祖至穀熟縣於聖祖
舟中懂節上得小龍二如茅山池中畜於禁中己巳方午忽失一
守者求之不獲是夜聞雷聲有光如火照淨閣翌日失者復至即
遣使送還茅山六月趙州言聖像玉石舟度於河之石橋時河水
淺澁有黑龍鼓浪進舟九歷二難悉然舟既度河流復故詔遣官
即其所致祭上清宮先天節道場香奩中獲小龍背有金彩三道
尾有翠文寸餘八月建昌軍部民家麻姑山仙都觀設醮己巳五
鼓有龍出玉皇殿西北醮壇下升中天廻視長數丈金色隱隱有
雷聲聞數里

熙寧二年建州民楊緯言元年三月大雷雨所居之處有黃龍見
下獲一木如龍而形未具七月雷雨如初復有龍飛其上及霽木
龍至翼足皆具歸合舊木宛然一體圖象以進

宣和元年夏兩連晝夜凡數日及霽開封縣前茶肆中有異物如
大大蹲踞卧榻下細視之身厯六七尺色蒼黑有首類驢兩頰作
魚頭而色正綠頂有角坐極長於其際始分兩歧聲如牛鳴與世
所繪龍無異茶肆近軍器作坊兵卒來觀共殺食之已而京城大
水訛言龍復讎云

文獻卷三十三
紹興初朱勝非出守江州過梁山龍入其舟繞長數寸赤背綠腹
白尾黑爪甲有聲目有光近龍擊也時行都柴梁橋旌忠廟有三
蛇出沒庭蕪大者盈尺方鱗金色首脊有金綫遇霽或變化數百
於蕉卉間翹徙而蛇孽亦絕 五年金虜冷山有二龍死冷氣腥
焰襲人其一無角其一額有深穴如斧鑿痕虜酋吳乞買欲截其
角或言不祥乃止吳乞買卒以是歲死 七年五月乙酉汴京有
龍撼宣德門滅宣德二字劉豫丞命葺之君龍象也宣德帝居也
非豫所宜僭龍撼滅亡象也是歲偽齊亡 八年夏金虜熙州灤
水有蒼龍見明日為黃龍以爪擊嬰兒為戲者三日有帝者服乘
白馬六蟾蜍在其前是歲虜伐蒙為蒙所敗此龍孽之尤異者也
十一年四月潭州衡山縣西北淨居巖有蛇長二丈身圍數尺黑
色而方紋震死山水大至先是山氣遇夜輒昏昧蛇斃而夜色始

明

十六年温州平陽縣古剎老松有巢蛇食鶴鷓擊蛇蛇分三時黃
巖縣蛇孽亦如之

二十五年六月江州湖口縣有赤龍橫水中如山風濤大作寒風
肅然覆舟數十艘士卒溺者數十人

三十年春撫州宜黃縣有大蛇見于丞治長二丈捕之縱數里外
俄復至者數四京房易妖曰蛇見於邑三年有大兵

乾道五年七月乙亥隆興府武寧縣龍聞于西北大雨俄頃迅雷
起東南二龍奔逃墜珠如輪其他復塘村牧童得之自是邑境連

歲有水葦易坤上六龍戰于野文言曰陰疑於陽必戰與唐志天
寶十四年同占春秋書龍聞于涑淵亦水祥也

紹熙五年七月辛酉饒州紫樞坊二大共搏一蝮俄頃三者俱斃

亦蛇孽也

魚異

周武王伐紂至孟津渡河中流白魚躍入王舟中

魚者介鱗之物
白者故

家之正色言賤之
女象與周之家也武王府取以祭

秦始皇八年河魚大上劉向以為近魚孽也時始皇弟長安君將

兵擊趙死留屯軍吏皆斬遷其民於臨洮

長安軍至臨洮而謀反
乃賜死殺其兵遷其民

明年有嫪毐之誅魚陰類民之象逆流而上者民將不從君令為

逆行也在天文魚星中河而處車騎滿野至于二世暴虐愈甚終

用急亡京房易傳曰衆逆同志厥妖河魚逆流上

三十七年東巡並海上至之罘見巨魚射殺一魚

漢宣帝神爵元年幸河東祠后土東濟大河天氣清淨神魚舞河

成帝鴻嘉四年秋雨魚于信都長五十寸以下

永始元年春北海出大魚長六丈高一丈四枚

哀帝建平三年東萊平度出大魚長八丈一尺七枚皆京房易傳

曰海數見巨魚邪人進賢人踈

後漢靈帝熹平二年東萊海出大魚二枚長八九丈高二丈餘明

年中山王暢任城王博並薨

京房易傳曰海出巨魚邪人進賢人
踈臣昭謂此占符靈帝之世巨魚之

出豈為二
王之妖也

魏齊王嘉平四年五月有二魚集于武庫屋上此魚孽也王肅曰

魚生於水而亢於屋介鱗之物失其所也邊將其殆有棄申之變

乎後果有東關之敗于寶以為高貴鄉公兵禍之應二說皆與珽

固音同

晉武帝太康中有鯉魚二見武庫屋上于寶以為武庫兵府魚有

鱗甲亦兵類也魚極陰屋上太陽魚見屋上象至陰以兵革之禍

于太陽也至惠帝初誅楊駿廢太后天交館閣元康末賈后誦殺太子尋亦誅廢十年之間母后之難再興是其應也自是禍亂構矣京房易妖曰魚去水飛入道路兵且作

梁武帝大同十年帝幸朱方至四壘中及玄武湖魚皆驤首見於上若望乘輿者帝入宮而沒洪範五行傳魚陰類也下人象又有鱗甲兵之應下人將舉兵圍宮而睥睨乘輿之象其後果有侯景之亂

後周大象元年六月陽武有鯉魚乘空而闕猶臣下興起小人從之而闕也明年帝崩國失政尉遲迴起兵相州高祖遣兵擊敗之隋開皇十七年大興城西南四里有袁村設佛會有老翁皓首白裙襦衣來食而去衆莫識追而觀之行二里許不復見但有一陂中有白魚長丈餘小魚從者無數人爭射之或弓折弦斷後竟中之剖其腹得秬飯始知此魚向老翁也後數日漕渠暴溢射人皆溺死

大業十二年淮陽郡驅人入子城鑿斷羅即郭至女垣之下有穴其中得鯉魚長七尺餘昔魏嘉平四年魚集武庫屋上王肅以為魚生於水而亢於屋水之物失其所也邊將殆棄甲之變後果有東關之敗是時長白山賊寇掠河南月餘賊至城下郡兵拒之反為所敗男女死者萬餘人

唐如意中濟源路敬濂家水碾柱將壞易之為新中有鮎魚長尺餘猶生近魚孽也

開元四年安南都護府江中有大蛇首尾橫出兩岸經日而腐可寸自斷數日江魚盡死蔽江而下十五五相附著江水臭神龍中渭水有蝦蟆大如鼎里人聚觀數日而失是歲大水

元和十四年二月晝有魚長尺餘墜於鄆州市良久乃死魚失水而墜于市敗滅象也

開成二年三月壬申有大魚長六丈自海入淮至濠州招義民殺之近魚孽也

乾符六年汜水河魚逆流而上至垣曲平陸界魚民象逆流而上民不從君令也

光啓二年揚州兩魚占如元和十四年

宋至道元年十二月廣州大魚擊海水而出魚死長六丈三尺高丈餘

政和七年夏中有二魚落殿中省廳屋上

二年內出魚純赤色蔡京等乞付史館拜表稱賀

建炎初越州應天寺有石眼纜方數寸深不可探舊號鰻井有魚

如鰻有鱗有耳尾有刃跡每鰻出則郡有水旱孺疫近魚孽也

紹興十八年漳州漳浦縣崇鹽場海岸連有巨魚高數丈旁海人剖取肉數百車至剋目乃覺轉鬣而旁艦皆覆又漁人獲魚長二丈餘重數十斤剖之腹橫人脰膚髮如生京房易傳曰海數見巨魚邪人進賢入踈

二十年四月秀州海鹽縣海洋有巨鰻群鰻從之聲若謳歌抵岸偃沙上猶揚鬣撥刺其高齊縣門樓其長百丈縣民鬻肉轉鬣壓死十數人頷骨長二丈五尺與前孽同占

乾道六年行都北關有鮎魚色黑腹下出入手於兩旁各具五指七年十一月丁亥洞庭湖巨鼉走沙擁舟身廣長皆丈餘并舟以首足壓重艦沒水

淳熙十三年二月庚申錢塘龍山江岸有大魚如象隨潮汐復逝

十六年六月甲辰錢塘旁江居民得魚備五色細首鯉身民說言
夢得魚覺而在手猶躍事聞有司令縱之

慶元三年二月饒州景德鎮漁人得魚頰尾鯉鱗而首異常魚鎮
之老人言其不祥紹興二年嘗出後為水災蓋是歲五月鎮果大
水皆魚孽也

嘉定十七年海壞畿縣鹽官地數十里先是有臣魚橫海岸民鬻
食之海患凡六年而平

文獻通考卷之三百十三

文獻通考卷之三百一十四

鄱陽 馬 端臨 貴與 著

物異考

龜與

禹治水時神龜自洛出負文而列於背亦文朱字其數皆九禹因
而第之以為九疇

宋元王二年江使神龜於河至於泉陽漁者豫且舉網得而囚

之泉陽人網元龜者置於籠中夜半龜來見夢於宋元王曰

我為江使於河而幕網當吾路泉陽豫且得我我不能去身在

患中莫可告語王有德義故來告訴元王惕然而悟乃召博士

衛平而問之衛平而問之曰今寡人夢見一文夫延頸而長頭

衣玄綉之衣而乘輜車來見夢於寡人曰我為江使於河而幕

網當吾路泉陽豫且得我我不能去身在患中莫可告語王有德義故來告訴是何物也衛平乃援式而起徐廣曰仰天而視

月之光觀斗所指定日處鄉規矩為輔副以權衡四維已定八

卦相望視其吉凶介蟲先見乃對元王曰今昔壬子素隱曰今昔猶昨夜

也以今日言之宿在牽牛河水大會鬼神相謀漢正南北正義謂昨夜為今昔

大江河固期南風新至江使先來白雲壅漢萬物盡留斗柄指

日使者當囚女服而乘輜車其名為龜王急使人問而求之王

曰善於是王乃使人馳而往問泉陽令曰漁者幾何家名誰為

豫且豫且得龜見夢於王王故使我求之泉陽令乃使吏按籍

視園水上漁者五十五家上流之廬名為豫且泉陽令曰諾乃

與使者馳而問豫且曰今昔汝漁何得豫且曰夜半時舉網得

龜在子曰得白使者曰今龜安在曰在籠中使者曰王知子得

龜故使我求之豫且曰諾即繫龜而出之籠中獻使者使者執

行出於泉陽之門正晝無見風雨晦冥雲蓋其上五采青黃雲

雨並起風將而行入於端門見於東廂身如流水潤澤有光均

見元王延頸而前三步而止縮頸而卻復其故處元王見而怪

之問衛平曰龜見寡人延頸而前以何望也縮頸而復是何當

也衛平對曰龜在患中而終昔囚王有德義使人活之今延頸

而前以當謝也縮頸而卻卻亟去也元王曰善哉神至於此乎

不可久留趣駕送龜勿令失期衛平對曰龜者是天下之寶也

先得此龜者為天子且十言十當十戰十勝生於深淵長於黃

土知天之道明於上古游三千歲不出其域安平靜正動不用

力壽蔽天地莫知其極與物變化四時變色居而自匿伏而不

食春蒼夏黃秋白冬黑明於陰陽審於刑德先知利害察於禍

福以言而當以戰而勝王能寶之諸侯盡服王勿遣也以安社稷元王曰龜甚神靈降於上天陷於深淵在患難中以為我為賢德厚而忠信故來告寡人寡人若不遣也是漁者也漁者利其肉寡人貪其力下為不仁上為無德君臣無禮何從有福寡人不忍柰何勿遣衛平對曰不然臣聞盛德不報重寄不歸天與不受天奪之寶今龜周流天下還復其所上至蒼天下薄泥塗還禘九州未嘗愧辱無所稽留今至泉陽漁者得而囚之王雖遣之江河必怒務求報仇自以為侵因神與謀淫雨不霽水不可治若為枯旱風而揚埃蝗蟲暴生百姓失時王行仁義其罰必來此無他故其祟在龜後雖悔之豈有及哉王勿遣也於是元王向日而謝蓋欲神之以謝天之質再拜而受擇日齋戒甲乙最良乃刑白雉及與驪羊以血灌龜於壇中央以刀

剝之身全不傷脯酒禮之橫其腹腸荆支卜之必制其創理達於理文相錯迎使工占之所言盡當邦福重寶徐廣曰福音副藏也聞于傍鄉殺牛取革被鄭之桐徐廣曰牛革桐為鼓也草木畢分化為甲兵戰勝攻取莫如元王元王之時衛平相宋最疆龜之力也故云神至能見夢於元王而不能自出漁者之籠身能十言盡當不能通使於河還報於江賢能今人戰勝攻取不能自解於刀鋒免剝刺之患聖能先知亟見而不能令衛平無言

魏陳留王咸熙二年二月胸臆縣獻靈龜歸於相府

晉咸康中豫州刺史毛寶成邾有一軍人於武昌市買得白龜長五尺置瓮中養之漸大放江中後邾城遭石虎攻陷赴江者莫不沉溺所養龜人被甲投水中覺如墮一石上須臾視之乃是先所放白龜既抵岸廻顧而去

符堅時高陸人穿井得龜大三尺背有八卦堅命太卜池養之粟後死藏其骨于太廟其夜廟丞高虜夢龜謂之曰我本出將歸江南遭時不遇墮命秦庭又有人夢中謂虜曰龜三千六百歲而終終必妖興亡國之徵也

隋開皇中掖庭宮每夜有人來挑宮人宮司以聞帝曰門衛甚嚴人何從入當以妖精耳因戒宮人曰若逢但斬之其後有物如人來登床宮人抽刀斬之若中枯骨其物落床而走宮人逐之因入池而沒明日帝涸池得一龜徑尺餘上有刀跡殺之遂絕龜者水居而靈陰謀之象晉王諂媚宮掖求嗣之應云

唐大足初虔州獲龜六眼一女而失
上元二年有鼉聚于揚州城門上節度使鄧景山以問族弟誕對曰鼉介物兵象也

貞元三年潤州魚鼈蔽江而下皆無首

太和三年魏博管內有蟲狀如龜其鳴晝夜不絕近龜孽也秦

宗權在蔡州州中忽地裂有石出高五六尺廣袤丈餘正如大龜

宋太平興國三年二月鑿金明池既掘地有龜出殆踰萬數

大中祥符二年四月有黑龜甚衆汴水而下占龜介族也黑北方色是歲契丹國母卒

太平興國間永州益州饒州萬安永州新州俱獻六目龜廬州

獻龜大如掌綠毛覆甲潤澤可愛餘不錄蘇州獻白龜大如錢其

色瑩潔兗州衛州獻金龜

至和元年二月癸亥信州貢綠毛龜

嘉祐八年十月鼎州芝草叢生下得異龜

大觀元年閏十月丙戌都水使者趙震行河得兩首龜以為瑞蔡

京信之曰此齊小白所謂象罔見之而霸者也鄭居中曰首豈容

有二而京主之意殆不可測帝命棄龜金明池

政和四年端州進六目龜 五年博州進白龜

宣和四年雄州地大震玄武見於州之正寢有龜大如錢蛇若朱

漆筋相逐而行宣撫使焚香再拜以銀奩貯二物俄俱死

紹興八年五月汴京太康縣大雷雨下水龜數十里隨大小皆龜

形具手足卦文龜猶歸也龜又介物兵象也水有消釋之象此汴

京將復歸而釋兵也時秦檜主和議罷兵自是神州陸沉

乾道五年舒州民獻龜駢生二首不能伸縮郡守張棟縱之潛山

近龜孽也

嘉定十四年春楚州境上龜大小死者蔽野後十年歸正人李全

叛死又龜者介蟲也是時彼介胃死者何可勝數

蟲異

漢武帝元鼎五年秋蛙與蝦蟇群闐時四將軍衆十萬征南越開

九郡蛙龜也似蝦蟇而長脚其色青

元帝建昭元年八月有白蛾群飛蔽日從東都門至軹道師古曰蛾類是也

成帝建始元年六月有青蠅無萬數言其極多雖欲以萬數之而不少得集未央宮

殿中朝者坐公卿以下朝會坐也

後漢光武建武三年野蠶成繭

吳孫權黃龍二年有野蠶成繭如郊

晉太康四年會稽彭蠡及蟹皆化鼠甚衆復大食稻為災

惠帝元康中洛陽南山有蚩武庚反作聲曰韓尸尸識者曰韓氏將

尸也言尸尸者盡死也其後韓謚誅而韓族殲焉此青祥也

符堅將為赦與王猛符融密議於露堂悉屏左右堅親為赦文
猛融供進紙墨有一大蒼蠅入自牖間鳴聲甚大集于筆端驅
而復來俄而長安街巷市里人相告曰官今大赦有司以聞堅
驚謂融猛曰禁中無耳屬之理事何從泄也於是勅外窮推之
咸言有一小兒衣黑衣大呼於市曰官今大赦須臾不見堅歎
曰其蒼蠅乎聲狀非常吾固惡之

梁武帝天監十一年新昌濟陽二郡野蠶成繭

太清二年益州市有飛蠶萬群螫人死

周天元大象元年八月所在螻群聞各四五尺死十七八

唐貞觀十二年六月滁州言野蠶成繭徧於山阜

十三年野蠶食榘葉成繭大如柰其色綠凡收六千五百七十石
至十四年又收八千三百石

天寶五年九月太原奏文水縣冬蠶成繭

貞元十四年四月江西溪澗魚頭皆戴蚯蚓

長慶四年五月淄青奏登州蓬萊山谷間約四十里野蠶成繭其
絲可織

開成二年京城有蟻聚長五六十步闊五尺至一丈厚五寸至一
尺

太和元年鄭注篋中藥化為蠅數萬飛去 十月陳許奏界內野

蠶自生桑上三遍成繭連縣九十里百姓收拾得並抽繅得絲綿
并織成綉絹

宋乾德四年八月京兆府野蠶成繭其絲織潤可愛

開寶六年漢陽軍獻蛤有文隱起成龍長五寸許金色鱗甲皎然
七年正月齊州獻野蠶繭二萬枚 五月開封府封丘縣民程鐸

家發蠶簇有繭聯屬自成被廣五尺長倍之

咸平五年五月荆門軍民家蠶簇上得繭自成被 七月開封府

陽武縣民家野蠶成繭

大中祥符元年五月開封府酸棗縣民程矩家蠶繭自成被色輕

重密繳柔滑非人功可及

五年五月藤州鐔津縣野蠶成繭是州不產絲蠶此食山柘而成

緘絲以獻

六年八月亳州譙縣民李賁園桑野蠶成繭奉祀經度制置使丁

謂采蠶繰絲湏絮以獻

景祐四年五月滑州上靈河縣民黃慶家蠶自成被長二丈五尺

闊四尺

嘉祐二年十月深州言野蠶成繭被于原野

元祐六年閏八月定州七縣野蠶成繭

七年五月維州北海縣蠶自織如絹成領帶

元符元年七月真定府藁城縣野蠶成繭 八月真定府行唐縣

野蠶成繭 九月祁州深澤縣野蠶成繭織絰成袴及

二年六月房州房陵縣野蠶成繭

政和元年九月河南府野蠶成繭

四年相州野蠶成繭

五年南京野蠶成繭織紬五疋綿四十兩聖繭十五兩

蝗蟲

春秋桓公五年秋螽師古曰螽即阜螽即今之蝗劉歆以為貪虐

取民則螽介蟲之孽也與魚同占劉向以為介蟲之孽屬言不從

是歲公獲二國之聘取鼎易邑師古曰二國宋鄭也宋以鼎鼎與

役起城

師古曰謂五年夏城祝丘也

諸螽略皆從董仲舒說云

嚴公二十九年有蜚

師古曰蜚音秩未反蜚音頌

劉向以為蜚色青近青青也非中國所有南

越

盛暑男女同川澤淫風所生為蟲臭惡

師古曰蜚者中國所有非南越之蟲未詳向所

說

是時嚴公取齊淫女為夫人既入淫於兩叔故蜚至天戒若曰

今誅絕之尚及不將生臭惡聞於四方嚴不寤其後夫人與兩叔

作亂二嗣以殺

師古曰二嗣謂子般及閔公也

卒皆被毒

師古曰第二叔哀姜也皆不得其死也已詳於上

董仲舒指略同

僖公十五年八月螽劉向以為先是僖有鹹之會後滅綠陵是歲

復以兵為牡立會使公孫敖帥師及諸大夫敖徐兵比午三在

文公三年秋兩螽于宋劉向以為先是宋殺大夫而無罪有暴虐

賦歛之應穀梁傳曰上下皆合言甚上下皆合董仲舒以為宋三

世內取

三世謂襄成昭也內取於國之大夫也取讀白嬰

大夫專恣殺生不中故螽先死

而至劉歆以為螽為穀災卒遇賊陰墜而死也

八年十月螽時公伐邾取須朐城郡

宣公六年八月螽劉向以為先是宣伐莒向後比再如齊謀伐萊

十三年秋螽公孫歸父會齊伐萊

十五年秋螽宣亡熟歲數有軍旅

襄公七年八月螽劉向以為先是襄興師救陳滕子陳滕子鄆子鄆子小邾子

皆來朝夏城費

哀公十二年十二月螽是時哀用田賦師古曰言重斂也詳在刑法志劉向以為

春用田賦冬而螽

十三年九月螽十二月螽比三螽虐取於民之効也師古曰劉歆

以為周十二月夏十月也火星既伏蟄蟲皆畢天之見變因物類

二十九年四月武威酒泉清河京兆魏郡弘農蝗

三十一年郡國大蝗

明帝永平四年酒泉大蝗從塞外入

十五年蝗起泰山彌行兗豫

和帝永元四年蝗

八年五月河內陳留蝗九月京都蝗

九年蝗從夏至秋先是西羌數反遣將軍將比軍五校征之

安帝永初四年夏蝗是時西羌寇亂軍衆征距連十餘議曰主失

旱之魚螺變為蝗蟲

五年夏九州蝗京房占曰天生萬物百穀以給民用天地之性人

民爭食居位食祿如蟲矣不救致兵起其故也六年三月去蝗處復

蝗子生國四十八郡七年夏蝗

元初元年夏郡國五蝗二年夏郡國二十蝗

延光元年六月郡國蝗

順帝永建五年郡國十二蝗是時鮮卑寇朔方用衆征之

永和元年秋偃師蝗去年冬烏桓寇沙南用衆征之

桓帝永興元年七月郡國三十二蝗是時梁冀秉政無謀獻苟貪

權作虐春秋巧具郵曰貪擾生蝗

二年六月京都蝗

永壽三年六月京都蝗

延熹元年五月京都蝗臣昭皮劉歆傳皆逆天時聽不聰之禍也

沈書曰九年揚州六郡連水旱蝗害也

靈帝熹平六年夏七州蝗先是鮮卑前後三十餘犯塞是歲護烏

桓校尉夏育破鮮卑中郎將田晏使匈奴中郎將臧旻將南單于

以下三道並出討鮮卑大司農經用不足殷歛郡國以給軍糧三將無功還者少半

光和元年詔策問曰連年蝗蟲至冬踊其咎焉在蔡邕對曰臣聞易傳曰大作不時天降災厥咎蝗蟲來河圖祕微篇曰帝貪則政

暴而吏酷酷則誅深必殺主蝗蟲蝗蟲貪苛之所致也是時百官遷徙皆私上禮西園以為府蔡邕對曰蝗蟲出息不急之作省賦

省別裁以贍國用則其救也易曰得臣無家言有天下者何私家之有獻帝興平元年夏大蝗是時天下大亂

建安二年五月蝗魏文帝黃初三年七月冀州大蝗人飢按蔡邕說蝗者在上貪苛

之所致也是時孫權歸順帝因其有西陵之役舉大眾襲之權遂皆叛也

晉武帝太始十年六月蝗是時荀賈任政疾害公直

惠帝永嘉四年五月大蝗自幽并司冀至于秦雍草木牛馬毛鬣皆盡是時天下兵亂漁獵黔黎存亡所寄惟司馬越荀晞而已競

為暴刻經畧無章故有此孽愍帝建興四年六月大蝗去歲劉曜頻攻北地馮翊趙允等悉眾

禦之卒為劉曜所破西京遂潰五年帝在平陽司冀青雍蠶

元帝大興元年六月蘭陵合鄉蝗害禾稼乙未東莞蝗蟲縱橫三百里害苗稼七月東海彭城下邳臨淮四郡蝗蟲害禾豆八月冀

青徐三州蝗食生草盡至于二年是時中州淪喪暴亂滋甚也二年五月淮陵臨淮淮南安豐廬江等五郡蝗蟲食秋麥是月癸

丑徐州及揚州江西諸郡蝗吳郡百姓多餓死去年王敦并領荆
州苛暴之釁自此興矣

孝武帝太元十五年八月兗州蝗是時慕容氏逼河南征戍不已
故有斯孽

十六年五月飛蝗從南來集堂邑縣界害苗稼是年春發江州兵
營甲士二千人冢口六七千配護軍及東宮後尋散亡殆盡又邊
將連有征役故有斯孽

劉聰末年河東大蝗唯不食黍豆斬準率部人收而埋之哭聲
聞於十餘里後乃鑽土飛出復食黍豆

石虎時河朔大蝗初穿地而生二旬則化狀若蠶七八日而卧
四日蛻而飛彌亘百草唯不食三豆及麻

符健時蝗蟲大起自華陰至隴山食百草無遺牛馬相噉毛

宋文帝元嘉三年秋旱且蝗

梁武帝大同初大蝗籬門松柏葉皆盡京房易飛候曰食祿不益
聖化天視以蟲蟲無益於人而食萬物也時公卿皆以虛澹為美
不親職事無益食物之應也

後齊文宣天保八年河北六州河南十二州蝗畿人皆祭之特外
築長城內修三臺役者不止九年山東又蝗十年幽州大蝗

河清二年并汾晉東雍南汾五州蟲旱傷稼

後周建德二年閏中大蝗

隋開皇十六年并州蝗時秦孝王俊哀刻百姓盛修邸第後獲譴

死

唐武德六年夏州蝗蝗之殘民君無功而祿者然皆貪饒之所生
先儒以為人主失禮煩苛則旱魚螺變為蟲蝗故以屬魚孽

貞觀二年六月京畿旱蝗太宗在苑中撥蝗祝之曰人以穀為命百姓有過在予一人但當蝕我無害百姓將吞之侍臣懼帝致疾遂以為諫帝曰所冀移災朕躬何疾之避遂吞之是歲蝗不為災

三年五月徐州蝗秋德戴等州

四年秋觀充遼等州蝗

二十一年秋渠泉二州蝗

永徽元年夔絳雍同等州蝗

永淳元年三月京畿蝗無麥苗六月雍岐隴等州蝗

長壽二年合建等州蝗

開元三年七月河南河北蝗

四年夏山東蝗食稼聲如風雨

二十五年具州蝗有白鳥數千萬群飛食之一夕而盡禾稼不傷

廣德二年秋蝗關輔尤甚斗米千錢

興元元年秋螟蝗自山而東際于海晦天蔽野草木葉皆盡

貞元元年夏蝗東自海西盡河隴群飛蔽天旬日不息所至草木

葉及畜毛靡有子遺餓殍枕道民蒸蝗曝颺去翅足而食之

永徽元年秋陳州蝗

元和元年夏鎮真等州蝗

長慶三年秋洪州螟蝗害稼八萬頃

開成元年夏鎮州河中蝗害稼

二年六月魏博昭義淄青滄州充海河南蝗

三年秋河南河北鎮定等州蝗草木葉皆盡

五年夏幽魏博鄆曹濮滄齊德淄青充海河陽淮南魏陳許汝等

州螟蝗害稼占曰國多邪人朝無忠臣居位食祿如蟲與民爭食

故比年蟲蝗

會昌元年七月關東山南鄧唐等州蝗

大中八年七月劔南東川蝗

咸通三年六月淮南河南蝗

六年八月東都同華陝魏等州蝗

七年夏東都同華陝魏及京畿蝗

九年江淮關內及東都蝗

十年夏陝魏等州蝗不絕無德震取於民之罰

乾符二年蝗自東而西蔽天

光啓元年秋蝗自東方來群飛蔽天

二年荆襄蝗斗米錢三千人相食淮南蝗自西來行而不飛浮水

綠城入揚州府署竹樹幢節一夕如剪幡幟畫像皆齧去其首撲

不能止旬日自相食盡

開平元年六月許陳汝蔡穎五州蠃生有野禽群飛蔽空食之

皆盡

後唐同光三年九月鎮州奏飛蝗害稼

天福七年四月山東河南關西諸郡蝗害稼至八年四月天下

諸道州飛蝗害稼食草木葉皆盡詔州縣長吏捕蝗華州節度使

楊彥珣雍州節度使趙瑩命百姓捕蝗一斗以祿粟一斗賞之

罕相繼人民流遷飢者盈路關西饑餓尤甚死者十有七八朝廷少軍食不充分命使臣諸道括借粟麥晉氏自此衰矣

漢乾祐元年七月青鄆兗齊濮沂密邢曹皆言蠃生開封府奏陽

武雍丘襄邑等縣蝗開封尹侯益遣人以酒散致祭尋為鸚鵡食

之皆盡勅禁羅七鸚鵡以

二年五月博州奏有蠃生化為蝶飛去宋州奏蝗一夕抱草而死

差官祭之復命尚書侍郎段希堯祭東嶽太府卿劉暉祭中嶽皆
慮蟲蝻為災故也

宋建隆元年七月澶州蝗

二年五月濮州范縣蝗

三年七月兗濟德磁洛五州蝻生真定府深州蝻蟲生

四年六月澶濮曹絳等州有蝗七月懷州蝗生

乾德二年四月相州蝻蟲食桑五月趙州昭慶縣有蝗東西四十
里南北二十里是夏河南河北陝西諸州皆有蝗

三年七月諸路有蝗淄州民韓瓚斷手指以祭

開寶二年八月真定府真磁州蝗

太平興國二年六月磁州有黑蟲群飛食桑夜出晝隱食葉殆盡
閏七月衛州蝻蟲生

六年七月河南府宋州蝗

七年四月唐州北陽縣蝻蟲生有飛鳥食之盡河南府滑州蝻蟲
生五月大名府陝州陳州蝗七月鄆州陽穀縣蝻蟲生

九年七月泗州蠟蟲食桑

雍熙二年四月天長軍蠟蟲食苗

三年七月濮州鄆城縣有蝗俄自死

淳熙元年四月鄆州中都縣蝻蟲生七月單州碭山縣蝗曹州濟
陰縣有蝗自北來飛亘天有聲

二年三月亳州蝻蟲生遇雨而死六月淄澶濮州乾寧軍並蝗生

七月寧遠軍有蛤滄州蝻蟲食苗棗州有飛蝗自北來害稼

三年六月甲申京師有蝗起東北趣西南蔽空如雲翳日七月具
許滄沂蔡汝商兗單等州淮陽平定靜戎軍蝗俄抱草自死

至道二年六月亳宿密州蝗生食苗七月許州長葛陽翟二縣有
蝻蟲食苗齊州歷城長青等縣有蝗

三年七月單州蝻蟲生

景德元年八月陝濱棣州蟲害稼

二年六月京東諸州蝻蟲生

三年八月德博州蝻生

四年九月陳州宛丘縣鄆州東河須城二縣蝗

大中祥符二年五月雒州蝻蟲食苗

三年六月開封府咸平尉氏二縣蝻蟲生

四年六月開封府祥符縣有蝗七月河南府及京東蝗生食苗葉

八月開封府祥符咸平中牟陳留雍丘封丘六縣蝗生

九年六月京畿京東西河北路蝗蝻繼生彌覆郊野食民田殆盡

入公私廬舍七月辛亥過京師羣飛翳空延至淮南趣河東及

寒始斃

天禧元年二月開封府京東西河北河東陝西江淮兩浙荆湖百

三十州軍蝗蝻復生多去歲蟄者和州蝗生郊如稻粒而細六月

江淮大風多吹蝗入江海或抱草木僵死

二年四月江陰軍蝻蟲生

天聖三年七月丙午邢洛州蝗甲寅趙州蝗不食苗是歲京兆

旱蝗

六年五月己卯河北京東蝗

明道元年十月中甲寅濠州蝗

二年七月庚辰開封界京東西河北河東陝西蝗

景祐元年六月乙卯開封府淄州蝗諸路募民掘蝗子萬餘石

寶元二年六月曹濮單三州蝗

慶曆四年春淮南旱蝗京師飛蝗蔽天

熙寧元年秀州蝗

五年河北大蝗

六年四月河北諸路蝗是歲江寧府飛蝗自江北來

七年夏開封府界及河北路蝗七月咸平縣鷓鴣食蝗

八年八月淮西蝗陳穎州蔽野

九年夏開封府畿京東河北陝西蝗五月荆湖南路地生黑蟲化

蛾飛去全州生黑蟲食苗黃雀來食之皆盡

元豐四年六月河北蝗 秋開封府界蝗

五年夏又蝗 六年夏又蝗 五年沂州蝗

元符元年八月高郵軍言飛蝗抱草死

崇寧元年夏開封府界京東河北淮南等路蝗

二年諸路蝗令有司酺祭

三年四年連歲大蝗其飛蔽日來自山東及府界惟河北尤甚

宣和三年諸路蝗

建炎二年六月京師淮甸大蝗令長吏修酺祭

紹興二十九年七月盱眙軍楚州虜界三十里蝗為風所墮風止

復飛回淮北虜知天佑自是不敢禁

三十二年六月江東淮南北郡國蝗飛入湖州境聲如風雨自癸

巳至于七月丙申飛徧畿縣餘杭仁和錢塘皆蝗丙午蝗入京城

八月山東大蝗 江淮諸道之食令 癸丑頒祭酺禮式

隆興元年七月大蝗 辛丑詔羣臣言闕失八月丙子上降次敗食

江淮襄蜀科 八月壬申癸酉飛蝗過都蔽天日徽宣湖三州及浙

東郡縣害稼遂下捕九月京東大蝗襄隨蝗甚民為乏食

二年夏畿縣餘杭大蝗令漕臣察

乾道元年六月淮西蝗憲臣姚岳貢死蝗為瑞上斥其佞坐黜

淳熙三年八月淮北飛蝗楚州盱眙軍界如雲陣風雷者逾時遇

大雨皆死稼用不害

九年六月滁州全椒縣和州歷陽烏江縣蝗乙卯飛蝗過都遇大

雨墮仁和縣界蘆蕩茅穗令徙七月淮甸大蝗貞楊泰州害撲蝗

五千斛餘郡或日捕數十車群飛絕江墮鎮江府皆害稼令淮浙

十年六月淮浙舊蝗遺育害稼

十四年七月畿縣仁和蝗蝗始生今捕

紹熙二年七月泰州蝗自高郵縣

五年八月楚和州蝗

嘉泰二年浙西大蝗自丹陽入武進若煙霧蔽天其墮豆十餘里

常之三縣捕八千餘石湖之長興捕數百石時浙東近郡亦蝗

開禧三年夏秋久旱大蝗群飛蔽天先是浙西郡縣首種不入或

種豆粟皆既于蝗漢志言魯宣公秋蝻以為宣無熟歲數有軍旅

又漢武帝比年秋蝗興師征四夷之應時韓侂胄開邊兵禍連結

故有此孽

嘉定元年五月江浙大蝗乙丑上懼災六月乙酉有事于園丘方

澤且祭酺七月又酺效酺式于郡國

二年四月又蝗下捕五月丁酉令諸郡脩酺祀六月辛未飛蝗入

畿縣令守臣

七年六月浙郡蝗

八年四月北境飛蝗越淮而南江淮郡蝗食禾苗山林草木皆盡
乙卯飛蝗入畿縣已亥祭酺令蝗郡如式以祭是歲自夏徂秋蝗
患不息諸道捕蝗者以千萬石計飢民競捕官以粟易
九年五月浙東蝗丁巳令郡國酺祭令諸道部使者督捕是歲荐饑官以粟
易蝗者千百斛及冬校比而賞罰之
十年四月楚州蝗

螟

春秋隱公五年秋螟董仲舒劉向以為時公觀漁于棠貪利之應
也劉歆又以為逆滅僖伯之諫貪利區籍以生羸蟲之孽也
八年九月螟時鄭伯以邢將易許田有貪利心京房易傳曰臣安
祿茲謂貪厥災蟲食根德無常茲謂煩蟲食葉不絀無德蟲本
與東作爭茲謂不時蟲食節蔽惡生孽蟲食心

莊公六年秋螟董仲舒劉向以為先是衛侯朔出奔齊齊侯會諸
侯納朔許諸侯賂齊人歸衛寶魯受之貪利應也

漢文帝後六年秋螟是歲匈奴大入上郡雲中烽火通長安遣三
將軍屯邊三將軍屯京師

後漢章帝七八年間郡縣大螟傷稼語在魯恭傳而紀不錄時章
帝用竇皇后讒害宋梁二貴人廢皇太子

靈帝熹平四年六月弘農三輔螟蟲為害時靈帝用中常侍曹節
等讒言禁錮名士謂之黨人

中平二年七月三輔螟蟲為害

晉武帝咸寧元年七月郡國螟九月青州又螟是月郡國有青蟲
食禾稼

四年司冀充豫荆揚郡國二十螟

九年八月郡國二十四螟九月蟲又傷秋稼時帝聽讒謾寵任賈充揚駿故有蟲蝗之災不絀無德之罰

惠帝元康三年九月帶方等六縣螟食木葉盡

永寧元年七月梁益涼三州螟時齊王問執政貪苛之應十月南安巴西江陽太原新興北海青蟲食禾葉甚者十傷五六月郡國六螟

唐貞觀二十一年八月萊州螟

開元二十二年八月榆關好妨蟲害稼入平州界有羣雀來食之一日而盡二十六年榆關好妨蟲害稼群雀來食之

三載青州紫蟲食田有鳥食之

廣德元年秋好妨蟲害稼關中尤甚斗米千錢長慶四年絳州好妨蟲害稼

大和元年秋河東同魏等州好妨蟲害稼

四年河南黑蟲食田

宋建隆二年九月華州渭南縣好妨蟲傷稼

乾德六年七月階州好妨蟲生

太平興國二年七月邢州鉅鹿沙河二縣步屈蟲食桑麥殆盡

五年七月濰州好妨蟲食稼殆盡

七年九月邠州好妨蟲生食稼

端拱二年七月施州好妨蟲生害稼

大中祥符四年八月兗州好妨蟲生有蟲青色隨齧之化為水

天聖五年五月戊辰磁州蟲食桑

六年庚戌同華等州旱好妨蟲食苗

紹興二十九年秋浙東江東西郡縣螟

三十年十月江浙郡國螟蝻

隆興元年秋紹興府湖州螟浙東西郡國螟多為穀災

二年台州螟

乾道三年八月江東郡縣螟滕淮浙諸路多以青蟲食穀穗為災

六年秋浙西江東螟蟲為害

九年秋吉贛州臨江南安軍皆有螟

淳熙二年秋浙江淮郡縣間有螟害

四年秋昭州螟

五年昭州荐有螟滕

七年秋永州螟

八年秋江州螟

十二年八月平江府有蟲聚于禾穗惟油可隨一夕大雨盡滌

十四年秋江州興國軍螟

十六年秋温州螟

慶元三年秋浙東蕭山山陰縣婺州浙西富陽益官淳安永興縣嘉興府皆螟

四年秋江東鉛山縣蟲食穀田無遺穗

嘉定十四年明台溫婺衢蟲滕為災

十五年秋贛州螟

十六年秋永道州螟

鼠妖

春秋成公七年正月鼯鼠食郊牛角命古曰鼯小鼠也即今所謂鼯鼠者音突改卜牛

又食其角劉向以為近青祥亦牛禍也不敬而備霽之所致也昔

周公制禮樂成周道故成王命魯郊祀天地以尊周公至成公時

三家始顛政魯將從此衰天愍周公之德痛其將有敗亡之禍故

於郊祭而見戒云鼠小蟲性盜竊鼯又其小者也牛大畜祭天尊

物也角兵象在上君威也小小鼯鼠食至尊之牛角象季氏乃陪

臣盜竊之人將執國命以傷君威而害周公之祀也改卜牛鼯鼠

又食其角天重語之也重音直成公怠慢昏亂遂君臣更執于晉

至于襄公晉為溴梁之會天下大夫皆奪君政溴梁之會諸侯皆

荀偃宋向成衛甯殖鄭公孫董其後三家逐昭公卒死于外幾絕

周公之祀董仲舒以為鼯鼠食郊牛皆養牲不謹也京房易傳曰

祭天不謹厥妖鼯鼠齧郊牛角

定公十五年正月鼯鼠食郊牛牛死劉向以為定公知季氏逐昭

公卑惡如彼親見孔子為夾谷之會齊人歸鄆謹龜陰之田聖德

如此反用季桓子淫於女樂而退孔子無道甚矣是歲五月定公

薨牛死之應京房易傳曰子不子鼠食其郊牛

哀公元年正月鼯鼠食郊牛劉向以為天意汲汲於用聖人逐三

家故復見戒也哀不寤身奔于越

漢昭帝元鳳元年九月燕有黃鼠銜其尾舞王宮端門中宮文王

往視之鼠舞如故王使吏以酒脯祠鼠舞不休一日一夜死近黃

祥時燕刺王且謀反將死之象也其月發覺伏辜京房易傳曰誅

不原情厥妖鼠舞門師古曰不原情者不得其本情

成帝建始四年九月長安城南有鼠銜黃蒿柏葉上民家相及榆

樹上為巢桐柏尤多師古曰桐柏本字名巢中無子皆有乾鼠矢

數十時議臣以為恐有水災鼠盜竊小蟲夜出晝匿今晝去穴而

登木象賤人將居顯貴之位也桐柏衛后園所在也其後趙皇后

自微賤登至尊與衛后同類趙后終無子而為害明年有為焚巢

殺子之異也師古曰為鴆也音弋全反天象仍見甚可畏也仍順也一曰皆王莽竊位之象云京房易傳曰臣私祿罔辟李奇曰辟君也擅妖鼠私爵祿罔其君

魏齊王正始中中山王周南為襄邑長有鼠從穴出語曰王周南

爾以某日死周南不應鼠還穴後致期更冠幘皂衣出語曰周南

汝日中當死又不應鼠後入穴斯須史出語如向日適欲中鼠入

須史復出出入轉更數語如前日適中鼠曰周南汝不應我復何

道言絕顛蹙而死即失衣冠取視具如常鼠按班固以為黃祥時

曹爽專政競為北周故鼠作變也

晉太康時彭蠡化為鼠見蟲異門陳後主禎明二年四月群鼠無數自蔡洲岸入石頭淮至青塘兩

岸數日死隨流出江近青祥也京房易飛候曰鼠無故群居不穴

衆聚者其君死未幾亡國

唐武德元年秋李密王世充隔洛水相拒密營中鼠一夕渡水盡

去占曰鼠無故皆夜去邑有兵

貞觀十三年建州鼠害稼

二十一年渝州鼠害稼

顯慶三年長孫無忌弟有大鼠見於庭月餘出入無常後忽然死

龍朔元年十一月洛州猶鼠同處鼠隱伏象盜竊猶職捕啣而反

與鼠同象司盜者廢職容姦

弘道初梁州倉有大鼠長二尺餘為猫所啣數百鼠反啣猫少選

聚萬餘鼠州遣人捕擊殺之餘皆去

景雲中有蛇鼠鬪于右威衛營東街槐樹蛇為鼠所傷鬪者兵象

景龍元年基州鼠害稼

開元二年韶州鼠害稼千萬餘群

天寶元年十月魏郡猫鼠同乳同乳者甚于同處

大曆十三年六月隴右節度使朱泚於兵家得猫鼠同乳以獻

大和三年成都猫鼠相乳

開成四年江西鼠害稼

咸通十二年正月汾州孝義縣民家鼠多銜蒿芻巢樹上鼠穴居去穴登木賤人將責之象

乾符三年秋河東諸州多鼠穴屋壞衣三月止鼠盜也天戒若曰將有盜矣

乾寧末陝州有蛇鼠鬪于南門之內蛇死而鼠亡去

後唐清泰三年三月有蛇鼠鬪于師子門外鼠殺蛇其年十二月晉高祖起兵於太原

建隆元年夏相金均秀商五州鼠食苗

二年正月商州鼠食苗

太平興國七年十一月岳州鼠害稼

九年京西民獻白鼠二

紹興十六年廣州清遠縣韶州翁源縣英德府貞陽縣鼠食稼千萬為群時廣東久旱凡羽鱗皆化為鼠有獲鼠於田者腹猶蛇紋漁者夜設網旦視數百鱗皆鼠自夏徂秋為患數月方息歲為饑乾道九年隆興府鼠害稼千萬為群甚於螟蝗

淳熙五年八月淮東通泰楚高郵黑鼠食禾田無遺穗淮民大饑時江陵府十五里外群鼠以千萬計蔽塞通達其色黑白青黃相雜與人並行為車駕所踐死者不可勝計凡三月乃息

紹熙四年饒州民家二小鼠食牛角三徒牛卒不免角穿肉齋以

楚春秋書鼯鼠食牛角京房易傳田祭天不謹為郊牛也不與民

牛同占特鼠妖爾

慶元元年六月鄱陽縣民家一猫帶數十鼠行止食息皆同如母子相哺者民殺猫而鼠舐其血鼠象盜猫職捕而反相與同處司盜發職之象也與唐龍朔洛州猫鼠同占

文獻通考卷之三百十四

